

萬 有 文 庫

第二集七百種

王 雲 五 主 編

明 詩 紀 事

(六)

陳 田 輯

商 務 印 書 館 發 行

明詩紀事

(七)

羅田陳

上海古籍出版社

時至建文。龍戰玄黃。禁遭革除。幾同閔位。今錄殉節諸臣詩。冠於永樂之首。所以雪十族駢死之沈冤。闕千秋正名之宏旨也。高皇雄猜。誅戮勳臣。波及文士。再經靖難之厄。海內英流。僅有存者。文皇右文。頓改初政。刀礪之餘。從事樽俎。永宣以還。沐浴膏澤。和平暉緩之音作。而三楊臺閣之體興。然東里文集。兩京類稿。有文無詩。微尙可知。扶輿蘊靈。風雅代興。在朝則巽隱、琴軒、泊菴、青城、昌祺、士昂、孟仁、松雨、敬軒、白沙、壽卿、元登、老葵。在野則葵邱、鳴秋、孟熙。均不愧作者。自建文至景泰。得詩二十二卷。題爲乙籤。以次授諸梓人云。光緒甲辰孟冬黔靈山樵陳田。

# 明詩紀事乙籤目

## 卷一

方孝孺十一首

黃子澄一首

卓敬一首

周是修五首

胡閏一首

鄭居貞二首

胡子昭一首

## 卷二

程本立十五首

程通一首

楊任一首

練子甯三首

黃觀一首

王叔英一首

茅大方一首

劉璟一首

方法一首

陳繼之一首

樓璉一首

葉惠仲一首

石允常三首

蔣兢一首

魏澤一首

王紳二首

卷三

姚廣孝十六首

楊士奇八首

楊溥八首

卷四

胡廣三首

金幼孜六首

黃淮一首

嚴震直一首

李至剛一首

高遜志十三首

龔詡三首

唐愚士八首

解縉十二首

楊榮十六首

胡儼七首

夏原吉一首

黃福一首

張紱一首

劉季篪一首

葉砥一首

應諤一首

卷五

陳珣十首

鄒緝一首

王洪二首

王景三首

曾烜一首

吳溥一首

高得陽四首

卷六

王紱十六首

謝縉十四首

虞謙三首

姚友直一首

周宗璫一首

錢仲益六首

王璫十首

王達三首

蘇伯厚三首

黃守一首

趙玃一首

鄭本忠三首

陳繼一首

趙迪八首

陳登一首

馬軾一首

金湜二首

謝庭循一首

姚黻一首

杜瓊二首

沈恆吉一首

卷七

梁潛二十三首

李孝謙一首

林環一首

鄭關三首

鄭瑛二首

李孟璿一首

王誼四首

陸顛一首

俞行之一首

吳餘慶一首

沈遇一首

沈貞吉三首

劉珏一首

梁混一首

李悌謙一首

林珪一首

鄭閻一首

鄭珞一首

李季衡一首

王懌三首

陳叔剛一首

陳仲完一首

陳完一首

唐廣一首

徐震一首

卷八

曾棨七首

周孟簡一首

王英七首

余學夔一首

卷九

陳敬宗七首

周忱一首

張徹三首

陳叔紹一首

陳寬二首

唐庠二首

徐章一首

蔣主孝四首

周述二首

王直十五首

章敞一首

章樸一首

李時勉三首

李昌祺十四首

王恪一首



羅亨信三首

羅汝敬一首

楊勉一首

熊直一首

卷十

魏驥一首

林長懋一首

陳全三首

謝瑾一首

曹閻一首

薛常生一首

劉髦一首

黃暘一首

錢習禮一首

熊概一首

黃壽生一首

林實一首

馬鐸一首

林誌六首

黎恬一首

余文一首

黃澤二首

陳鎰三首

劉咸一首

林純一首

陳祥一首

王達一首

卷十一

陳循二首

李茂弘一首

高穀二首

蕭儀三首

李騏一首

吳源一首

金誠一首

林真一首

劉鉉一首

于謙五首

萬節一首

鄭述一首

俞山一首

陳輝八首

許彬一首

牟倫一首

張居彥一首

周敍一首

尹鳳岐二首

習嘉言一首

黃閏一首

曾鶴齡二首

劉球一首

陳中一首

唐寅一首

張楷二首

卷十二

薛瑄十六首

陳獻章十五首

卷十三

瞿佑十三首

平顯十八首

唐文鳳三首

陳景融一首

李進二首

張振一首

余吉祥一首

吳鎮二首

卷十四

劉績十一首

吳與弼二首

莊杲四首

鄧林二首

郭文二首

陳亢宗二首

鮑仁濟一首

錢遜一首

錢擘二首

袁鋌一首

羅紘一首

偶桓六首

郭塵二首

鄭嘉一首

蔡庸一首

張璨一首

鄧定三首

高廩一首

陳顯二首

許穆二首

馬景約一首

張羽一首

卷十五

劉薦三首

郭登五首

沐璘二首

施敬四首

毛鉉一首

李勛一首

朱純一首

高璧一首

韓永一首

張愷一首

岑琬一首

張育一首

郭武一首

沐昂一首

王清一首

卷十六

馬愉一首

蕭鎡三首

吳惠四首

徐珙一首

林文四首

李棠四首

薩琦一首

方熙一首

毛宗魯一首

范理一首

鍾順二首

徐有貞四首

李賢一首

周旋一首

劉定之三首

程思溫一首

王偉一首

林璧一首

李顥一首

戴暉一首

卷十七

施槃一首

倪謙十四首

張諫一首

楊璿一首

成始終一首

祝顥一首

呂原一首

韓雍二首

沈彬一首

陳汝言一首

商輅一首

葉盛十二首

卷十八

王佐二首

岳正二首

夏寅二首

鄭文康二首

尹旻一首

張和三首

劉儼一首

黃諫二首

卞榮一首

盧祥一首

金溥一首

周洪謨一首

劉昌一首

彭時二首

黃紱一首

劉珣一首

王常一首

張璠一首

柯潛六首

童軒十八首

王越三首

吳宣二首

卷十九

徐溥二首

張甯十三首

易貴一首

李裕五首

謝省一首

彭華一首

杜庠一首

黃瑜一首

卷二十

王輿一首

楊守陳一首

王佐二首

汝訥二首

邱濬五首

周瑛三首

何喬新五首

段堅一首

康麟二首

陳政一首

彭澤七首

劉溥四首 景泰十才子

蘇平三首

沈愚四首

王淮一首

蔣主忠一首

卷二十一

魏時敏十七首

湯琮一首

邱吉三首

姚綸一首

蘇大一首

李戮二首

朱翰一首

倪光一首

湯胤績三首

蘇正一首

晏鐸二首

鄒亮一首

王貞慶一首

趙不易一首

陶甯一首

賀麟一首

陳昌二首

陸琦一首

懷悅一首

周瑾一首

章珍二首



黎擴一首

蔡昇二首

卷二十二

聶大年十六首

劉泰五首

劉英二首

錢洪一首

陳贄四首

汪敬一首

應律一首

潘寶一首

徐琦一首

張淵二首

范麟一首

王達一首

馬洪一首

劉師邵六首

趙宗文一首

楊軾一首

沈宣一首

羅宜一首

黎近二首

徐璣一首

# 明詩紀事卷一

## 乙籤

田按紀建文朝事者。鄭曉吾學編。何喬遠名山藏。吳士奇副書。陳繼儒史待。尹守衡史竊。朱國禎史梅。黃佐革除遺事。高璧幽光錄。袁祥建文私紀。孫交國史補遺。張芹備遺錄。何孟春續備遺錄。馮汝弼補備遺錄。陳洪讓革除編年。許相刺革朝志。陸時中建文逸史。王會野史。劉琳拊膝錄。屠叔方朝野乘編。宋端儀革除錄。林塾革除史補。郁袞革除遺忠錄。杜思革朝遺忠錄。鄭應旗革朝遺忠列傳。張朝端忠節錄。攷諱。徐卽登建文諸臣錄。焦竑遜國忠節錄。汪宗伊表忠錄。趙士喆建文年譜。趙啓元遜國續鈔。錢士升表忠紀。陳仁錫壬午書。朱鷺建文書法擬。劉廷鑾遜國之際月表。曹參芳遜國正氣紀。周鏗遜國忠紀。周遠令讓皇帝本紀。高世豐盡心錄。余美英遜代陽秋。皆惑於地道出亡之說。惟姜清祕史。朱睦搆革除逸史。不爲所蔽。諸家所紀。惠帝出亡。及諸臣行遜詩。附見於此。以志存疑之義焉。惠帝遜國後詩云。牢落西南四十秋。蕭蕭華髮已盈頭。乾坤有恨家何在。江漢無情水自流。長樂宮中雲氣散。朝元閣上雨聲愁。新蒲細柳年年綠。野老吞聲哭未休。又金笠長官司羅永菴題壁二詩云。風塵一夕忽南侵。天命潛移四海心。鳳返丹山紅日遠。龍歸滄海碧雲深。紫微有象星還拱。玉漏無聲水自沉。遙想禁城今夜月。六宮猶望翠華臨。閱罷楞嚴響懶敲。笑看黃屋寄壘標。南來瘴嶺千層迴。北望天門萬里遙。款段久忘飛鳳翥。袈裟新換袞龍袍。百官此日知何處。惟有羣烏早晚朝。馮翁詩云。夜夢何奇特。龍飛天漢津。朝橫滄海曲。夕過滇池濱。光燁皆五色。蜿蜒無損鱗。淵田變化間。張主藉高旻。緜竹山人詩云。山河形勝今猶在。宮闕趨踰事已非。冀野風生雙虎鬪。咸陽火起一龍飛。傷心何忍聞黃詔。積首無緣見袞衣。擊石獨懷千古恨。仰天血淚不勝揮。萬州老僧詩云。十年依佛國。萬里走天涯。舊主無尋處。

孤臣敢問家。何心嬰組綬。有血滴袷袂。寒食魂應寂。悲歌愧五蛇。至袁敬所題淵明五柳圖詩。見之貢玩齋集。牧齋列朝詩。竹垞詩綜。均失考。余刊其誤。附著於此。

方孝孺十首

孝孺字希直。一字希古。臨海人。洪武中。以薦授漢中教授。建文中。召爲文學博士。靖難師入。召草詔不屈死。有遜志齋集二十四卷。

四庫總目。孝孺學術純正。而文章乃縱橫豪放。頗出入於東坡龍川之間。蓋其志在於駕軼漢唐。銳復三代。故其毅然自命之氣。發揚蹈厲。時露於筆墨之間。燕王篡立之初。齊黃諸人。爲所切齒。卽委蛇求活。亦勢不能存。若孝孺則深欲藉其聲名。俾草詔以欺天下。使稍稍遷就。未必不接迹三楊。而致命成仁。遂滿十族而不悔。語其氣節。可謂貫金石動天地矣。文以人重。則斯集固懸諸日月。不可磨滅之書也。

吾學編。皇太子卽位。廷臣交薦孝孺。侍講筵。備顧問。孝孺德望素隆。一時倚重。上好讀書。每有疑。卽召使講解。臨朝奏事。臣僚面議可否。必命孝孺就辰前批答。孝孺嘗作書事詩曰。斧辰臨軒几硯間。春風和氣滿龍顏。細聽天語揮毫久。攜得香煙兩袖還。又曰。風輦彤庭尙薄寒。御爐香透玉欄杆。黃門忽報文淵閣。天子看書召講官。

南濠詩話。方正學先生集。傳之天下。人人知愛誦之。但其中多雜以他人之詩。如勉學二十四首。乃陳子平作。漁樵一首。乃楊孟載作。又有牧牛圖一絕。亦元人詩。

夢蕉詩話。方孝孺過嚴子陵釣臺。長短句云。正人先正己。治國先齊家。如何廢郭后。寵此陰麗華。糟糠之妻尙如此。貧賤之交安足擬。羊裘老子早見鷄。獨向桐江釣煙水。直於子陵心上說出。宋詩不及於唐固也。或者矮觀聲吠。併謂不及於元。是可笑。歟。正學論詩云。前宋文章配兩周。盛時詩律亦無傷。今人未識崑崙派。卻笑黃河是濁流。天歷諸公制作新。力排舊習祖唐人。

粗豪未脫風沙氣。難詆熙豐作後塵。

田按希直文章淵源出於宋景濂。而學術純正。則過之。姚江明儒學案云。景濂氏出入於二氏。希直以叛道者。莫過於二氏。而釋氏尤甚。不憚放言驅斥。有明之學祖也。誠爲確論。太祖誅戮功臣。至末年。文武名臣幾盡。使得一二舊勳。如宋國公。穎國公者。靖難之師。孰勝孰負。未可知也。希直送賊意。伯孫士端歸括蒼詩云。海內只今無盜賊。幽州與兵懼邦國。廟堂謀議豈無人。我懷中丞淚沾臚。嗚呼志士古所稀。留侯武鄉。今是誰。九原招公儼可作。爲解四海蒼生危。蓋亦有慨於是。誦漢祖猛士之歌。同茲三歎。

### 閒居感懷二首

乘時功易立。處下事少成。君看蕭曹才。豈若魯兩生。賢豪志大業。舉措流俗驚。循循刀筆間。固足爲公卿。習俗日頹壞。疇能塞其源。自從井牧廢。開此爭斂門。救弊豈無術。得君方難言。田間一卮酒。踞酌蒼梧魂。

### 次王仲措感懷韻

隆中有一士。卓然古天民。長嘯六合間。草昧思經綸。寸心如白日。可破萬古昏。所遇雖不諧。餘輝尙噉噉。使逢高光主。禮樂甯沈湮。惜其遺書亡。大志人罕聞。如何狗利子。於道不知真。卑卑章句中。徼祿求潤身。可貴不在位。可賤不在貧。無取一時好。當作千載人。

### 郭西精舍士友同宿

淹懷終歲思。幸際清宵會。情深新喜集。語愜孤愁退。雖居積頑鄙。處下多尤悔。倦翮謝羶騰。羈蹤損貞介。

含悲靜自慨。抱獨招羣怪。非子不我遺。斯心復誰賴。天寒四野寂。雲斂疏星大。霜葉響枯條。小灘咽鳴瀨。振衣逞玄覽。妙趣超埃壘。靜泝一氣先。虛涵萬象外。林泉皆道情。縻組本天械。擺落已遺榮。過從敢辭憊。祛疑冀闕論。立懦貯明誠。頽風儻可還。勗德期無懈。

東河驛值雪次茅長史白戰體韻

東河氣高地常冷。越客入山愁日暝。蹇驢破帽闖驛門。敝屋疏籬耿燈影。吏闌藉草始一寂。夜半雪來初未省。窗明恍訝烏繞樹。身倦宛同蛙伏井。雞鳴起看眼生花。睡熟山童呼不醒。積深已覺擁藍關。勢遠直疑沾庾嶺。穿檐入隙如有求。塞戶填階豈須請。瓦溝早滴爲炊煙。水面難消因泛梗。樂事偏宜壯士獵。清氣先入詩家茗。平鋪道路混險夷。蓋覆乾坤掩瑕眚。空山難行無客到。高臥閉門終日靜。春來一月尙嚴凝。天上何人調九鼎。半生對雪走四方。奇絕受此林壑景。長松壓重龍虎怒。巨石羅陳□□整。北風未勢更飄揚。斜照餘輝愈光炯。南望殊憐京闕遙。西顧頗覺歸途永。未須翫物遽憂患。有形易化皆幻境。明朝陰翳盡掃除。天際諸峯翠相並。乘輿伸頭且一笑。人生饑寒非不幸。莫將詩句效蘇公。淮陰詎肯儕噲等。

懿文皇太子挽詩

相宅闕方獻。還宮疾遽侵。鼎龜懸寶命。笙鶴動哀音。誰紹三皇治。徒傾四海心。關中諸父老。猶望翠華臨。

今言國朝定鼎金陵。本興立之地。然江南形勢。終不能控制西北。故高皇時已有都汴都關中之意。觀洪武元年詔曰。江左開

基立四海永清之本。中原圖治。廣一視同仁之心。其以金陵大梁爲南北京。方希古懿文太子軌詩曰。相宅圖方獻。還宮疾遽。侵關中諸父老。猶望翠華臨。蓋有都關中之議。以東宮薨而止也。

國史唯疑高皇祭光祿寺龍神文。朕經營天下。事事按古有精。惟宮城前昂中窪。形勢不稱。本欲遷都。年老精力倦。又天下初定。不欲勞民。廢輿有觀。只得聽天。惟願鑒朕此心。福其子孫云。可見聞基都金陵。非滿志事。初欲都臨濠。以劉基言止。再欲都秦。以懿文太子薨止。而高皇亦已老矣。文皇北遷。蓋神靈若陰啓之。

### 過北山翁

避世慚無術。忘年賴有翁。山中九日後。花下一尊同。江迴宜秋色。林疏怯晚風。放懷甘取醉。舍此更誰從。

### 閒居

雨歇階草淨。鳥鳴叢竹中。偶無輪鞅過。遂與山林同。晞髮庭際日。振衣松下風。自非捐世故。誰得此相從。

### 遣病

飲酒留盃底。攤書礙枕旁。人扶修冠櫛。客勸罷文章。穀雨催田父。花時到海棠。病夫渾不較。流轉話春光。

### 彭山道中

煙鳥歸林已夕陽。野人相引度高岡。馬頭一片青山影。經過絺衣似水涼。

### 竹

不禁俗物敗人意。忽見幽篁眼爲明。記得舊遊天上夢。連昌宮外聽秋聲。

練子甯三首

子甯名安。以字行。新淦人。通判高子洪武乙丑第二人及第。授修撰。荐擢副都御史。工部侍郎。建文初。改吏部。遷御史大夫。靖難師入。不屈死。有金川玉屑集六卷。

吾學編。子甯初從鄉長者竹莊先生遊。命賦水竹村居詩曰。千山暮雨石泉通。一夜春雷籜龍長。

田按子甯始居淦之東山。後遷三洲。嘉靖間。析淦六鄉爲峽江縣。三洲遂屬峽江。兩地人爭祀練公。至相詬厲。節義之足維繫人心如此。太祖果於殺戮。臣工有小故輒不免。子甯廷對有云。以小善而遽進之。以小過而遽戮之。天下之才生之爲難。成之爲尤難。豈忍以區區小故而卽付於刀鋸斧鉞之地哉。其志節之壯。不待見於殉難之日矣。

讀書臺

閒抱瑤琴訪百華。上人還與論三車。能分香積廚中飯。慣煮孤山雨後茶。洗墨池荒秋草合。讀書臺古夕陽斜。壁間正好題詩句。留取他年護碧紗。

送人之官

雨霽清流玉滿川。錦衣簇簇立沙邊。旋沽南石橋頭酒。聊送東風江上船。行色一枝春在柳。去程千里水連天。待看考績歸來日。細聽鶯聲奏管絃。

送花狀元詔許歸娶

三月都門鶯亂嘯。郎君春色上朝衣。潘生況擬供調膳。張敞仍須學畫眉。南陌酒香銀甕熟。西湖月郎畫

船歸極知身負君恩重莫遣心隨粉黛移。

因樹屋書影少年及第奉旨歸娶詩。明初練子甯送花狀元詩。又解縉送劉探花素吉云。少年歸娶奏金鑾。喜得天顏一笑看。紅錦裁雲朝。莫雁紫蕭吹。月夜乘鸞。靈樁枝下承中饋。寶鏡臺前結合歡。從此梅花消息好。青綾不似玉堂寒。金陵白正蒙送周狀元延儒云。才子承恩入建章。風流千載一周郎。人間玉杵偕仙配。天上金蓮簇豔妝。絳蠟影搖宮錦色。繡幃春擁御爐香。卽今已在蓬瀛境。不用吹簫下鳳凰。近華亭陳繼儒送吳榜眼偉業云。年少朱衣馬上郎。春闈第一姓名香。泥金帖貯黃金屋。種玉人歸白玉堂。北面謝恩才合卷。東方待曉漸催妝。詞臣何以酬明主。願進關雎窈窕章。明朝二百六十餘年。少年及第歸娶者不數人。練詩用洪武正韻。當時遵太祖功令甚嚴耳。又宏治乙丑榜眼董玘。年十九。正德丁丑榜眼倫以訓。年十七。皆予假歸娶。當時必有贈詩。惜不傳。楊慎升菴詞品。杭州花綸年十八。黃觀榜及第三人。初讀卷官進卷。以花綸第一。練子甯第二。黃觀第三。御筆改定。以黃第一。練第二。花第三。南京諺有花練黃黃練花之語。故後人猶以花狀元稱之。其科題名記及登科錄。皆以黃練二公。死革除之難。剗毀。故相傳多誤。花有詞藻。其謫戍雲南。有題楊太真畫圖。水仙子一闋云。海棠風。梧桐月。荔枝塵。霓裳舞。翠盤嬌。繡嶺春。錦裯嬉。金釵信。香囊恨。擬三郎。泥太真。馬嵬坡。血污遊魂。楊柳眉。侵翠黛。損芙蓉。面零脂。落粉。牡丹芽。翦草除根。其風致不減元人。小山。酸齋輩。滇人傳唱。多訛其字。余爲訂之云。

田按黃溥簡籍遺聞。謂練中丞集中可疑者三事。一曰送花狀元歸娶詩。花綸乃洪武十七年浙江鄉試第一人。不應有奉詔歸娶事。溥知綸非狀元。而不知綸爲乙丑第三人及第。余檢雙槐歲鈔。升菴詞品。拿山堂別集。皆云花綸洪武乙丑及第。又嘉靖仁和縣志云。花綸字正言。登洪武十七年鄉薦。明年成進士第三。授編修。性孤潔。杜門絕迹。往來其於權勢之交。更疏冷。有私媚者。常惡之。竟遭誣害。雙槐歲鈔亦云。綸改福建道監察御史。出按江西。得罪不令終。與升菴謫戍雲南。語畧同。升菴謂綸爲黃觀榜第三人亦誤。又解縉送劉探花詩。乃宋濂送編修張仲藻者。附見張宣青陽集後。書影亦誤。



黃子澄一首

子澄名湜。以字行。更字伯淵。洪武乙丑進士。授編修。進修撰。伴讀東宮。累遷太常寺卿。建文初。兼翰林院學士。與齊泰同參國政。燕兵起。以誅齊黃爲名。謫外。謀起兵。被執不屈死。

黃佐革除遺事。子澄少從邑人歐陽貞受易。周與學。受尙書。清江梁寅受春秋。博學負俊聲。嘗賦寒江把釣圖。及古梅詩。人爭傳誦。

田按子澄薦李景隆爲將。景隆敗走。請誅以厲將士。帝不聽。未幾江淮諸將相繼潰敗。子澄拊膺痛哭曰。誤薦景隆。萬死不足贖也。賦詩云。尙方有劍。憑誰借。哭向蒼天。幾墮冠。余謂子澄首事發難。頗類晁家令。賴其後死。事甚烈。朱平涵云。太常文章。泯滅。單詞片語。流落人間。氣麟光華。固不必多。余檢曾賓谷江西詩徵錄。詩甚夥。賞芍藥一篇。尤清婉動人。

賞芍藥

清門公子惜芳春。開筵上日延嘉賓。當階芍藥綻紅白。冰姿豔質俱天真。昭君已入丹青手。阿郎未醉黃封酒。丹幄籠霞麗日長。玉盤承露新妝久。廣陵異種古來誇。獨有金帶稱奇葩。廟廊大材今復見。玉堂學士歐陽家。尙憶西園全盛日。碧海蓬瀛繞丹室。江南一夜劫灰飛。奇花異卉誰能識。後來繼述有雲祢。況君伯仲兼才名。千金不惜買歌笑。栽花種竹長留情。厭聽鶉聲春漸老。把酒看花花正好。祇恐春光不肯留。人生行樂應須早。酒酣公子還高歌。相逢不飲將如何。何妨共醉金叵羅。一笑塵世空奔波。

黃觀一首

觀字瀾伯。一字尙賓。貴池人。初從父贅姓許。洪武辛未。第一人及第。累官禮部右侍郎。建文初。改右侍中。掌尙寶司事。奉詔募兵。聞金川門師人。投羅刹磯死。

田按侍中出募兵。投羅刹磯死。夫人及三女。投淮清橋下死。忍孝貞烈。萃於一門。侍中詩不多見。或云侍中有集。藏秦州儲璣尙書家。見革除遺事。

### 題江貫道長江圖

離離衆樹深。靄靄孤雲碧。山色望難窮。江流浩無極。漁歌遠渚昏。鳥下平蕪夕。惆悵涉風波。扁舟何處客。

田按貫道長江圖。號爲名蹟。事已具別卷。王常宗詩後。文徵仲跋此圖後云。南郭氓許觀瀾伯不仕。有文學之名。同時別有許觀。亦字瀾伯。死於靖難時。乃池州人。與此許觀不同。而皆有文學。不知此詩誰作也。余以唐人兩集並存之例存之。

### 卓敬一首

敬字維恭。瑞安人。洪武戊辰進士。除給事中。歷官戶部侍郎。靖難師入。被執不屈死。有卓氏遺書

### 五十卷。

郁褒革朝遺忠錄。卓敬爲文章。精粹峭拔。磊磊落落。似其爲人。詩詞宏婉。有一唱三歎之遺音。

露書。卓侍郎敬詩。白雲忽去山在戶。紅日乍晴人倚欄。一聲兩聲花鳥好。千樹萬樹松風寒。皆出人意表。

### 墨菊

我向玄都逢羽士。自言種菊不多根。灌園只汲臨池水。歲歲花開見墨痕。

王叔英一首

叔英字元采，黃巖人。洪武二十年，以薦爲仙居訓導。改德安教授。遷漢陽知縣。建文元年，召爲翰林修撰。燕兵至淮，奉召募兵，行至廣德，京城不守，自經於玄妙觀。有靜學集二卷。

革朝遺忠錄。文皇渡江，叔英臥病僧寺，知事不可爲，沐浴具衣冠，賦絕命詞曰：人生穹壤間，忠孝貴兩全。嗟予事君父，自省多過愆。有志未及竟，奇疾忽見纏。肥甘空在案，對之不下咽。意者造化神，有命歸九泉。嘗聞夷與齊，餓死首陽巔。周粟豈不佳，所見良獨偏。高蹤遠難繼，偶爾無足傳。千秋史臣筆，慎無稱希賢。遂自經死。

孤桐生崇岡一首贈友人

孤桐生崇岡，託根亦已高。嚴冬風雪繁，枝葉成蕭條。根本具生意，勿爲樵牧侵。韶英如可作，遲爾爲瑟琴。

周是修五首

是修名德，以字行。泰和人。洪武末舉明經，爲霍邱訓導。擢周府奉祀正。遷紀善。改衡府。靖難兵入，走應天府。學自經死。有芻蕘集六卷。

四庫總目芻蕘集風骨稜稜，溢於楮墨。望而知爲忠臣義士之文。

田按建文二年，勅儒臣取古今君道、臣道、人事之載於典籍，可爲鑑戒者，纂爲類要。總裁則方孝孺、唐愚士、樓廼、胡靖，分修則陳好義、徐好古、葉仲汜、鄭孟宣、章謹、蘇伯厚、李鐸、王汝玉、張拱、高可大、王眞、劉仲美、李敏、方叔衡、朱子建、史維時、陸伯瞻、趙友同、周思、顏子明、蕭用道、楊士奇、先生與焉。纂則王良、楊溥，極一時之選。黃才伯翰林記稱洪武戊寅，詔編輯經史百家之言。

爲類要侍讀唐愚士等纂修未成。卽指此事。其曰洪武戊寅。蓋遵革除令諱之也。先生詩逸情古調。寄託遙深。先生嗣孫希韓。爲余妹婿。管假芻蕘集於其家。錄之。

### 題叢蘭

石嶠嶮兮水沄沄。蘭蕤蕤兮揚清芬。思寥芳以緱佩。贈天涯之夫君。望夫君兮不見。結三湘之暮雲。

### 靜夜思

天地同逆旅。春秋比流波。昨昔樂苦少。今茲憂復多。嫩人而離居。其如良夜何。良夜殊未央。恨言臨中堂。叢蘭滋零露。初月揚清光。我有枯桐琴。爰以托遠心。哀絃徒激烈。愁絕無知音。太行豈不高。黃河豈不深。夢魂終不隔。萬里還相尋。

### 感懷

芳桃笑春風。穠李耀晴日。偶蒙化工榮。光彩不可敵。盛時能幾許。零落各相失。詎知寒松心。凌霜如鐵石。

### 黃衣岩

崇峯出百里。岩壁亦何峭。神功擘元氣。中有太古竅。青雲從下起。白日當前照。仙鶴不重來。年年野花笑。

### 寄贈巫陽隱者歌

金樽美酒清且香。欲飲不飲愁心長。寒雲四塞南雁翔。尺書不到巫山陽。巫山十二峯巒出。落日平荒楚。

天碧嵐煙澗水石橋晴。號鳥梅花野亭夕。野亭夕。秋風多。亭西隱者今如何。欲知別後相思意。不盡東流江上波。

茅大方一首

大方名誦。以字行。泰興人。洪武中爲淮安府學教授。擢秦府長史。建文元年。遷副都御史。燕師入。見收。不屈死。有希董遺集五卷。

吾學編大芳典教淮南。考績入朝。高廟召對悅之。擢秦府長史。勉以董子輔相之業。大芳感激。額其堂曰希董。方孝孺爲記。建文君卽位。擢右副都御史。靖難兵起。遺詩淮南守將梅殷。幽燕消息近如何。聞道將軍志不磨。縱有火龍翻地軸。莫教鐵騎過天河。關中事業蕭丞相。塞上功勳馬伏波。老我不才無補報。西風一度一悲歌。建文四年八月死之。

次平涼

平涼疆域控西戎。三月猶寒氣未融。山麥蟠根封積雪。野桃含萼待東風。書回塞下邊塵淨。兵到原頭獵火紅。更擬明朝乘鶴駕。爲尋仙跡訪崆峒。

胡閏一首

閏字松友。鄱陽人。洪武初舉秀才。授都督府都事。遷經歷。建文初遷右補闕。進大理寺少卿。靖難師入。召閏不屈死。

檮李詩繫。遜國諸臣疏屬。一丁一地。分戍劇邊。一遇絕丁。輒行旬補。飛符所到。冤結二百餘年。屠公叔方令鄱陽。適有符旬郵。

人胡閔絕丁者屠憤然擲符於地曰彼死忠何罪使吾有言責必碎首爭之矣擢御史卽具疏請諡請祠請修治塚墓卹錄子孫及交遊姻黨之株累編成者一體赦宥神宗感動蒙宥者千六百餘人京師張枚榜時忽風發榜飛轉居天際觀者如市自午至未仍還故所郡陽張榜亦然事見顧憲成英風紀異錄

### 題畫松

幽人無俗懷寫此蒼龍骨九天風雨來飛騰作神物

精忠就義類編元末胡先生閔授徒講學長沙王廟嘗奮筆畫松廟壁題曰蒼虬出壑復題幽人無俗懷一絕吳王下饒州見先生詩召見越八年卽皇帝位郡舉秀才一見卽曰此秀才是題詩鄱陽廟者授都督府都事

### 劉璟一首

璟字仲璟青田人誠意伯基次子授閣門使改谷王左長史靖難師入稱疾不起下獄自經死有易齋無隱二集

四庫總目易齋詩氣勢蒼勁兀傲不羣有覆瓿之一體

田按長史易齋集吾鄉楊龍友令青田曾刻之

### 狂夫雜興

平生適興多閒話付與時人作狼猜一酌曹溪知水味白雲無意若爲來

### 鄭居貞二首

居貞名桓。以字行。歙人。洪武中舉明經。授鞏昌通判。遷禮部郎中。出爲河南左參政。永樂初坐方黨死。有閩南、關隴、歸來、檜庭諸稿。

屠叔方建文朝野彙編。方孝孺之爲漢中教授也。居貞以詩送之。翩翩紫鳳雛。羽翮備五彩。徘徊千仞翔。餘音散江海。於焉覽德輝。濟濟鏘環佩。天門何嵯峨。羣仙久相待。晨沐晞朝陽。夜息飲沆瀣。如何復西飛。去去秦關外。岐山諒匪遙。啄食良自愛。終當巢阿閣。庶以鳴昭代。孝孺亦贈之詩。謂其爲參政三年而去。吏民以不能留爲憾。事在洪武二十三年。然其坐累歲月不可考。以方黨故也。

田按居貞與林公輔。皆侯城畏友。侯城感舊詩云。雄文不見林公輔。病眼荒荒何處開。居貞作翩翩紫鳳雛贈侯城。以自愛爲勉。而朱竹垞云。林公輔。鄭居貞。殆侯城弟子而兼朋友者。蓋不知侯城弟子。別有林。鄭。非居貞與公輔也。蜀獻王遂胡志高赴漢中。兼柬希直云。最哉今胡子。頗無愧鄭林。未注云。鄭公智。林良顯。明史亦稱侯城門下士。以身殉者。有甯海鄭公智。林嘉猷。公智字叔貞。竹垞詩話所引。送居貞入成都詩。乃送叔貞。非送居貞。遜志齋集具在。可覆檢也。嘉猷名昇。以字行。後改名良顯。侯城感舊詩第五首云。林鄭爲文學我家。波瀾議論闕無涯。第一首既云。雄文不見林公輔。此復及之。不犯複字。又送鄭叔貞之成都云。兩生萬里來。講道慰寂寞。探奇忘舊悲。妙觀有新樂。甯知事多忤。重使歎離索。林也前歲歸。重來忘蠹約。鄭子今復去。南行踰嶻嶭。林當指嘉猷。蓋嘉猷曾以儒士校文四川也。又云。金門盛才彥。德星耀井絡。翩翩白鳳羣。豈復少一鶴。竹垞云。居貞有翩翩紫鳳雛一篇贈侯城。故答及之。蓋由誤以叔貞爲居貞。因指嘉猷爲公輔。鳳雛鳳羣。牽聯附會。要非當日情事也。

次韻方希直

闕下知名久。相逢值暮春。才華曾動主。議論每過人。漢水元通蜀。台山亦近閩。何時江海上。樽酒話西秦。

田按居貞嘗侍父官閩中。子孫因留居福州瓜山。此詩台山亦近閩。蓋指其流寓地也。

### 泗洲

行盡淮東始見山。孤城雉堞面層巒。隋人罷幸餘荒苑。漢將成功有廢壇。落日波濤來洶湧。高秋鼓角動悲酸。此來倦客偏懷古。對酒狂歌強自歡。

### 方法一首

法字伯通。桐城人。洪武己卯舉人。授四川都事。斷事。永樂初。蜀藩賀表。抗不署名。逮至望江。投江死。

田按伯通。侯城弟子。所作絕命辭云。千載波濤裏。無慚正學師。可謂沉澁一氣矣。

### 渡河

野曠天陰日欲西。北風吹雪雁行低。交河路斷行人少。一片寒沙沒馬蹄。

### 胡子昭一首

子昭初名志高。字仲常。榮縣人。以薦爲訓導。建文初授翰林檢討。累遷至刑部侍郎。永樂初坐方黨死。

汪宗伊表忠錄。子昭臨刑詩曰。兩間正氣歸泉壤。一點丹心在帝鄉。時年四十一。



山行

蠟屐尋芳徑。攜筇上翠微。路危行客怯。山僻到人稀。古廟塵埋址。荒神蘚作衣。山雞元不慣。驚起舍前飛。

# 明詩紀事卷二

## 乙籤

程本立十五首

本立字原道，崇德人。洪武初舉明經秀才，除秦府引禮舍人。以母憂去官，服除補周府禮官，進長史。從王入覲，坐累謫雲南馬龍。他郎長官司吏目，建文元年徵入翰林，遷右僉都御史，坐事貶官，仍留纂修，旋授江西按察副使，未行，燕兵入，自經死。有《巽隱集》四卷。

四庫總目：本立文章典雅，詩亦深穩樸健，頗近唐音，不但節義爲足重，卽以詞采而論，位置於明初作者之間，亦無愧色。靜志居詩話：建文諸臣，文莫過方希直，詩莫過程原道，希直之文，取法昌黎，下亦不失爲蘇子瞻，原道之詩，刻意杜陵，下亦不失爲陳簡齋也。

田按：明初攜李詩人，首推清江，次及巽隱。巽隱詩格渾氣適，七律尤隊仗整齊，固當與嶙峋大節，並留天地。

## 尋劉集賢隱居

方瞻紫錦屏，條覽青玉案。茲山互百里，我行山未半。餘雪雲俱白，新泉冰始泮。春姿動晴壑，好鳥自相喚。探幽會披榛，紀勝欲濡翰。西投集賢里，息鞅日已旰。衣冠拜遺老，使我發深嘆。垂世貴立言，有竹青可汗。賦得桃花崦，送李學正之易州。

野性好林壑。胡爲來市廛。豈無桃花崦。著我屋數椽。深深崦中花。萬樹春霞鮮。居民非避秦。鼓腹戴堯天。花間長兒孫。看花不計年。我欲往求之。路隔松蘿煙。悵望小姑峯。玉立青娟娟。相逢李博士。頗似長庚仙。江東事幽討。已有青鞵緣。得官不厭冷。幡然向幽燕。振衣山上風。洗耳石間泉。期君早歸來。和我桃花篇。

題劉士平竹所卷

鳳凰溪頭十畝園。我昔種竹竹已蕃。揃除雜亂扶正直。不使惡類相牽援。春雷動地兒孫長。森然玉立參天上。玄冬何嫌霜霰重。赤日自憇風飄爽。一從宦轍梁宋遊。熇埃迷目揮汗流。瑠琠八尺誰卷送。琅玕一個不可求。腐儒本非食肉相。十年歸夢隨吳榜。餘生未了苜蓿盤。此身須付桃枝杖。永嘉劉郎思故山。有廬亦在萬竹間。覓我狂歌託幽抱。歌成轉覺俱愁顏。長竿把得谿頭釣。短簫吹作江南調。此時燒筍飯劉郎。噴案不妨同一笑。

題天竺曇敷上人法華山房卷

曇師法華室。只在鑑湖邊。白日開三竺。青光出五蓮。海龍曾聽呪。庭鳥亦知禪。一月雲林宿。吾生信有緣。

送安處善稅使之官青州

置酒直傾囊底錢。都門醉別意茫然。人生白髮屨幾兩。子去青州路一千。鴉背夕陽江雨外。馬頭秋色倍雲邊。大梁東接齊封近。書信頻煩使者傳。

登嵩縣留別守禦千戶邑庠教諭

嵩州官舍留三日。日日亂山雲吐吞。聞雞夜看北斗柄。借馬曉出東城門。廣文無氈坐賓客。將軍有書傳子孫。我懷先世此鄉里。願聚族人居陸渾。

過甓社湖

平湖一日到天涯。明月滿空飛浪花。半夜珠胎移老蚌。有時金背出妖蟄。漁人屋近燈纔見。使者舟行鼓亂搗。便似吳淞江上路。只無紅槳唱雙娃。

昆明池

昆明海水不成潮。一鏡涵空山影搖。明月碧雞飛夜夜。白雲蒼狗變朝朝。登臨未必南荒惡。瞻戀其如北極遙。汀草汀花自春色。無人同放木蘭橈。

留洱西驛因過三塔寺

眼中城郭與山川。坐我江南罨畫船。雲氣半峯飛白雪。水光一鏡落青天。野牆櫻樹人家住。官路梅花驛使傳。最是禪房聽梵唄。此心能洗百憂煎。

登通海湧金山

西湖上馬湧金門。三竺歸來日色昏。今古羣生幾塵劫。華夷萬里一乾坤。煙蘿花木山中寺。水竹茅茨海

上村兩地登臨渾似夢。賦詩聊與夔僧論。

過新興州

薏苡空牆晚。芙蓉野水秋。馬頭山色好。路入大棋州。

宿昆陽

飲酒美人家。出門山日斜。門前一株樹。說是蜜檀花。

題梨花園

別愁歸恨是清明。眼迷風沙白髮生。縱有花枝如畫裏。看花不似少年情。

滇陽病起

書籤藥裏客窗間。一日吟成病裏閒。日日相看好顏色。人情誰得似青山。

題山水小畫

太湖三萬六千頃。七十二峯湖上山。草閣酒醒風雨過。棹歌聲在水雲間。

陳繼之一首

繼之號雪庵。莆田人。建文庚辰進士。授戶科給事中。靖難師入。不屈死。

蘭陵詩話。長陵殺戮革除諸臣。備極慘毒。雪庵之死。碎骨揚灰。嗚呼酷矣。林懋揚云。雪庵真蹟詩一幅。流落金陵市中。徑寸草。

書筆法高古酷似王令間出急就其詩意度間適格調雅正真巨匠之短棧也。

### 懷山中

憶昔探靈奇。所性喜遊眺。時登近湖山。遠矚論海嶠。石泉瀉雲竇。松風發天竅。白鳥空際迴。玄猿靜中嘯。漁樵偶相逢。因之共談笑。榻來謁金門。尙懷山水妙。寄謝滄浪人。拂衣可同調。

### 程通一首

通字彥亨。績溪人。洪武庚午舉人。授遼府紀善。進左長史。靖難後。以事械至京。死於市。有貞白齋稿。

姚鼐情抱軒集。明高皇帝以封建策問諸生。而績溪程長史通試爲第一。其言置子當置之艱阻備嘗之中。不當置之膏肥美麗之地。此其言最有當於高皇心者。卒又言垂流之久。或有意料之所不及。此乃足括後事之變。真可謂通人名論。

### 題綠照亭和韻

綠照亭前景物都。向人何用說西湖。雨餘春樹翠如染。雲淨曉山青可圖。近水有窗先得月。凭欄無客不提壺。莫辭爛醉扶歸去。王道於今是坦途。

### 樓璉一首

璉字士連。義烏人。洪武中以儒士授主簿。遷藍田知縣。入爲監察御史。以事謫雲南。建文初起爲

翰林侍讀。燕師入。方孝孺不草詔。改命璉。一夕自經死。

田按侍讀以權死義卒。完其宗。官御史。時謫雲南。沐景顯錄其詩入滄海遺珠。

送鏡中上人兼柬斗南和尚

舊住扶桑第幾山。偶然蹤迹落人間。蘿衣拂露辭秋壑。藤杖扶霜度曉關。溟海飛來孤月小。點蒼留得半雲閒。殷勤爲報圓通客。鶴背清風好共還。

楊任一首

任字子重。嘉興人。洪武中以人才舉。累官至袁州知府。致仕。永樂初坐匿黃子澄於家。械至京死。爲禮部黃侍中觀題翠微書舍。

射策列朝署。舊隱情未釋。輸忠在經綸。回夢托泉石。人生慎終始。於道明損益。蚡子功業成。還理謝公屐。

葉惠仲一首

惠仲名見恭。以字行。臨海人。見泰弟。洪武中授廣武衛知事。遷知縣。建文初擢南昌知府。永樂元年坐直書靖難事死。

革朝遺忠錄。惠仲兄刑部主事見泰。雅爲方孝孺所知。有文名。惠仲亦不愧其兄。時稱二葉。各有集以傳。

暮嶺

小徑躋危石。荒行轉覺暮。途長魚燈射。水明如燐山。麝歸來。暗自香。月黑遠天星。彩白崖。傾飛瀑布聲。涼還家。細向燈前說。可怪浮生有底忙。

石允常三首

允常字恆德。甯海人。洪武甲戌進士。官河南僉事。坐事謫常州同知。建文末。帥兵防江。軍潰棄官去。水樂初。追錄廢周藩事。戍邊。有遇安集。

許相卿華朝志。允常官河南僉事。廉介有聲。人稱石清潭。以誣左遷常州同知。北師起。棄官歸。文皇登極。追錄建文間廢毀周府官僚事。逮至者五十餘人。允常與焉。衆悉洵懼服罪。人贖米五十石。命於原官加一秩。仍用之。允常鍛練百端。堅不服。繫獄二年。免死。謫戍中屯衛。年七十代還。過西畿感愴。病卒舟中。

三台詩錄。僉事詩筆韶秀。好句迭出。官行人時席上爲蜀王題八陣圖。盛傳於時。

題春晴圖

何郎乃是金閨彥。客裏東風偶相見。座懸一幅滄洲圖。細雨落花春滿縣。玉壺傾酒白日閒。門外鶯囀宮柳間。酒酣鳴罷綠琴去。望中幾點江南山。

春山圖

輕帆隱隱歸煙渚。白鳥離離映孤嶼。脫巾無語獨凭欄。草閣寒生杏花雨。朱絃在琴酒在壺。此身已入春山圖。欲求賞音不可得。天下好山何處無。



留別湖廣錢參政

昔年分手金陵路。昨日聯鑪夏口城。吳楚江山相憶夢。湘潭雲水別離情。停杯話舊驚三載。燒燭無眠欲二更。明發扁舟向巴蜀。棹歌聲裏鷓鴣聲。

高遜志十三首

遜志字士敏。蕭縣人。徙居嘉興。洪武初預修元史。授翰林院編修。改秦府紀善。引退。十五年召爲試吏部侍郎。旋罷官。建文初徵入翰林。遷太常少卿。靖難後死。永嘉山中有菴菴遺稿。

高啓薨藻集。宗人士敏辛丑集。有春容溫厚之辭。無枯槁險薄之態。豈山林館閣者乎。

徐一夔始豐集。士敏奇偉卓絕。挺然立於作者之林。

田按徐大章始豐稿云。士敏入史館。擢編修。轉秦府紀善。未幾引退。今召起試吏部侍郎。以事去官。謫居岫山。諸家紀載。均云授編修。累遷侍講學士。非事實也。又俞貞木次高太常韻詩序云。太常高先生。與僕別餘三十年。喜聞還朝。入翰林。升太常。計士敏授編修。改官後再入翰林。遷太常。餘三十年。正建文改元時也。靖難後。或云卒於官。或云兵敗自經。或云存歿無考。朱竹垞據蔣之翹家譜云。死於永嘉山中。士敏父德。所至與宗工鉅儒遊。如虞文靖公集。歐陽文公玄。余文忠公闕。賈公師泰。程公文。周公伯琦。張公翥。危公素。張公以密。士敏皆得親承其緒論文章。故學有淵源。華年篤志。以善屬文稱。用薦爲鄒山書院山長。徐大章。高季迪。交口稱之一與史局。再入翰林。及主文會試。所拔識干良。胡靖。吳溥。楊榮。金幼孜。楊溥。胡濙等。皆爲名臣。身遭革朝。遜迹空山以死。論者哀其志云。

寄陳彥博奉常

雨收山氣佳。日入川光暝。岸幘倚孤松。飄蕭發清興。花藥紛滿畦。桑麻鬱成徑。西林宿鳥歸。前溪魚榜定。曠望絕人蹤。坐愛郊原靜。撫景念徂春。思君一觴詠。

以少陵文章憎命達句爲韻賦五章

遠世甘濩落。撫已切憂勤。既通金閨籍。方思策奇勳。何爲竟鍛翻。復與沮溺羣。念往每懲咎。縱學求多聞。朝飲西澗水。暮宿東山雲。境靜思疲齋。心清遺垢氛。森然富藻思。載道非空文。尙賴特立操。千載揚清芬。積雨滿污瀆。蛭螾聊自藏。商飈振修薄。篔簹依崇岡。動植各生遂。伊人獨何傷。謫居窮田野。與世殊相忘。緬懷昔憂患。髮短心日長。所願免飢渴。孰敢謀稻粱。戶庭罕遊跡。琅然誦文章。歡來意自得。遐想起黃唐。從此遂閒逸。投老終徜徉。

鱣鯨擊洪濤。一躍龍門登。驚風落潮沙。失勢投岡陵。鬢鬢日已槁。窮涸何由興。翻爲猿獼笑。敢望餘波騰。畸人感物理。冥思多所徵。雲翔避矰弋。淵潛避笱箬。胡爲狗世務。輾軻常兢兢。勗哉保素履。忽貽人所憎。荆璞不善藏。輕售與時競。雖無泣玉耻。棄捐揜光瑩。伊余昧先幾。妄往成蹭蹬。貪得違素心。狗名忘積行。通籍曾幾時。三年絕朝請。久睽徒侶歡。轉失鄉黨敬。剝喪非偶然。且委時與命。

功命期宦成。文章止詞達。千載求全能。如何罕奇拔。夙抱稽古志。纂言窮櫟括。幽闡天機深。精思元化斡。豈徒賁臯猷。將以繼往轍。于今不自足。乃復耻被褐。好爵難久縻。世途多慘怛。放意樂丘園。長歌襟抱豁。

龍江紀事寄良夫

避地龍江上。離愁欲斷魂。探囊炊脫粟。沽酒問前村。犬吠初開逕。雞栖早閉門。莫嗟時易晚。漂泊任乾坤。

城南小隱爲松江郭彥禮賦

步屣尋幽古岸隈。柴扉正對郭南開。林間野逕穿雲入。溪上春潮帶雨來。過客停杯歌白苧。隣翁吹笛坐蒼苔。羨渠高隱空相憶。浪迹多年素髮催。

題遂幽軒

閉迹銷聲與世疏。巖居蕭散屬潛夫。竹間展席移茶具。花底清吟擊酒壺。喜向山林便野服。嬾因軒冕溷泥塗。令人長憶鴟夷子。欲趁高秋泛五湖。

贈章安甫老人

藍輿迢遞出郊坰。野服翩然鶴髮星。柱史不辭周問禮。伏生須爲漢傳經。汀洲木落蒹葭老。澤國霜寒橘柚青。自笑隱淪緣底事。時危蹤迹一浮萍。

簡蒲菴長老

論交猶憶自前朝。亂後誰憐意氣銷。元亮歸來依惠遠。少游久客過參寥。山房黍熟供蔬甲。石鼎茶香薦菊苗。名勝想無今古異。釋龕容我避塵囂。

秀水飛帆

挂席曉煙收。忽與天風遇。誰唱秀州謠。恐是南塘路。

茗川夜宿

山繞荒城水自流。霜空月色滿溪樓。夜長欹枕渾無寐。二十五聲都是愁。

蔣兢一首

兢字維敬。自宜興徙嘉興。建文初。舉人才。授文淵閣侍書。有友陶軒臺。

靜志居詩話。侍書高太常士敏弟子。祭太常文云。歲在壬午九月晦。吾師士敏高先生卒。師以國破家亡。遁影東甌。雁宕山中。頽齡疾苦。僕從竄逸。隻影自矢。爲西山餓夫。天假之合。小子兢亦以未死之身。來偷息於此。相對若夢寐。淚涔涔下。侍吾師僅五十日。吾師竟長逝。就暝之頃。指畫恨字。旣而曰。復何恨。復何恨。正吾師泣血椎心。萬古耿耿之長恨也。兢窮途無以成禮。林有巨木。遭伐。其腹枵然。乞諸樵叟。斂而葬之。芙蓉峯北。嗚呼。天降喪亂。蕭牆禍起。君國殄瘁。臣所當死。博浪無椎。環柱失七。遺迹空山。潔身以俟。邂逅之間。師師弟弟。命之窮兮。師疾不起。爲營一塚。山崖水澗。杖履莫追。涕泗曷已。侍書之葬。其師紀述。建文諸臣者。所未及知也。予嘗面請學使者。以程公本立。姚公瑄。楊公任。高公遜。志建四忠祠於嘉興。而以侍書配食於高公之右。不果行也。

橋李詩繫。競博綜經籍。嘗學於高士敏。唐愚士。遂工詩文。建文卽位。詔舉人才。至京。考授文淵閣侍書。應奉御前筆札。壬午。授密旨。從黃子澄。走姑蘇。至楊任所。謀建義旗。子澄遣競往甯波。會合知府王璉。發兵固守錢塘。隨逾海抵閩粵。檄州郡大舉。賦詩屬別云。去去涉江海。貫速無後時。身輕不遑顧。廈頽務窮支。十日秦庭哭。一舉齊桓師。持此報國心。何事不可爲。未及至而

成祖正位。子澄與任被誅。薨因亡。匿山澤。稱東海遺臣。遊楚蜀二十餘年。乃歸。衰麻經帶終其身。

零陵道中望九疑山

九峯吐翠隔湘川。咫尺征途萬里天。欲訴重華無限恨。輟輶啼處雨如煙。

龔詡三首

詡字大章。崑山人。父訾。洪武中官給事中。以言事遣戍。五開衛。詡遂隸軍籍。調守金川門。靖難師入。變姓名遁歸卒。門人私謚安節先生。有野古集三卷。

四庫總目。詡詩格調。在長慶集擊壤集間。性情深摯。直抒胸臆。律以選聲配色。彫章琢句。誠不能與文士爭工。律以綱常名教之旨。則不合於風人者。尠矣。

遜國臣記。聖詡爲金川門守卒。建文末。靖難兵首入金川門。詡大哭。後還鄉。宣德中。周巡撫忱。兩薦爲崑山太倉學官。辭不就。曰。詡仕無害於義。烈負往日城門一慟耳。

梅花草堂集。靖難軍逼金川門。公大慟遁去。夜走任陽。寄馬陳二家。二家故多藏書。頗修朱家郭解之義。匿公大園中。公讀書其間。多所纂述。又時時乘夜渡婁省母。旁皇舊遊家。冷吟孤嘯。嘗有童汪非怯當年事。爲有慈母在故園之句。讀者傷之。

送郁老友歸芝塘

細雨弄晴三月天。故人辭我歸芝川。橋頭燕子語留客。溪上柳花飛撲船。小姬拍岸調新曲。野老揮毫書大篇。最是落紅如惜別。隨風點點墮樽前。

漫成

遠慕淵明自把鋤。從渠時輩笑迂夫。生憐花鳥如兒女。酷愛溪山似畫圖。不飲幸然無酒債。好吟常自負詩通。年來尙覺疏狂在。折簡應知未易呼。

趙松雪竹石

舊宋王孫元學士。草堂心事玉堂身。筆端寫出江南意。落日西風爲愴神。

魏澤一首

澤字彥恩。溧水人。刑部尙書。靖難後謫甯海典史。

過侯城里有感

笏輿衝雨過侯城。撫景依然感慨生。黃鳥向人空百嘯。青猿墮淚只三聲。山中自可全高節。天下難居是盛名。卻憶令威千載後。重歸華表不勝情。

遜國臣記。文皇滅方孝孺十族。魏澤是時謫甯海典史。當捕方氏。悉力保護周旋。以故方氏有遺育。謝文肅公詩。所謂孫支一葉者。澤之力也。後過孝孺故居。爲詩悲悼之。

唐愚士八首

愚士名之淳。以字行。紹興山陰人。應奉肅之子。建文初。用薦爲翰林侍讀。有萍居稿。

遜志齋集。愚士長身巨鼻。博聞多識。練達世故。爲文蔚瞻有俊氣。長於詩而善筆札。每一篇出。人多傳道之。曹國李公好士。待以賓友禮。征行四方。皆與俱。歷燕、薊、秦、周。過前代廢都舊邑。名賢傑士之遺跡。援筆有賦。詞旨超絕。必驚壓一時。

田按方希直稱愚士。萍居稿數十卷。今四庫著錄僅二卷。附會稽懷古詩一卷。不過十之一二耳。愚士名父之子。詩才閎肆。不愧乃父。愚士領書局。修類要。在建文二年庚辰十月十二日。見周是修芻蕘集。竹垞詩話云。建文三年。同事纂修。是年閏月卽病死。蓋誤會希直愚士墓誌。天子卽位之三載一語耳。

對酒

對酒勿傷。偶會何常。今日同堂。出門異鄉。同堂之樂。樂過千春。來日大難。苦口焦唇。翩翩飛燕。冬藏春見。邕邕鴻雁。翱翔雲漢。顧爾百鳥。嘯侶鳴儔。我欲彎弓。其聲啁啾。此物雖微。拙誠所慎。愛屋及烏。柔遠能近。吳中白苧。細若縑素。製爲君袍。願君長御。

毛滄兒歌

毛滄兒。毛滄兒。滄兒生在蘭滄西。蘭滄去天萬有三千里。土人花腳金兩齒。滄兒之父名聲達天子。天子遣使遠召之。滄兒隨父來京師。滄兒年幾何。三歲尙不足。兩歲頗有餘。頂犀眼。漆唇抹朱。學語未成。意態殊。麒麟之子。宛馬之駒。產自絕域。升天衢。人言傳書有種。非爾雛。爾父年幾何。五十逾六未及者。十五年落西南夷。西南之人。愚不識官長。麾呵婦女笑罵兒。童欺。昔辭鄉里六親俱。白髮黃口同繫累。一家盡死。一身在。載錫爾胤。惟有天公知。天公知。又錫爾爵冠帶而裳衣。脫爾介冑。參龍虎夔。毛滄兒。毛滄兒。好兒。

子爾父老矣。望爾似爾。似爾父爾宗。有光祝爾長。大無諸禍殃。吐爾錦心繡腸。出擅昭代之文章。如班馬燕許鳴漢唐。毛滄兒毛滄兒。父友作歌聽勿忘。

送楊如愚之長沙教授

除目下楓宸江帆掛晚春。長沙今夜月。大谷去年人。太守分賓席。諸生揖路塵。莫嫌卑濕地。岳麓在湘濱。

元夕東池上作

未老只傷離。春霜着鬢絲。纔過拜年日。又屬放燈時。頭重生憎酒。心閒熟品詩。此身萍葉似。漂泊偶東池。

營中閒夜

閒坐樂從戎。將軍得上公。佩刀懸玉虎。缸燼剔金蟲。遠柝微侵月。清笳迴帶風。香騰爐面紫。火射箭頭紅。舞劍知書法。談碁識戰功。明朝當閱武。傳令選瑯弓。

和答孟熙見貽

晚天涼雨碧雲收。竹几藤床只臥遊。出海鼓笳天上曲。夾城風雨驛邊樓。常時中酒翻疑病。此日懷人況是秋。忽得鐙郎寄來什。賸將詩思滿汀洲。

秋夜懷孟熙

西風卷海作濤聲。燭影簷花徹夜明。況有懷人心似雨。暗隨秋點出江城。



望仙樓圖

馬聲龍影半天來。月殿霞扉次第開。一自踏歌歸碧落。人間空築望仙臺。

王紳二首

紳字仲縉。義烏人。待制禕子。官國子博士。有繼志齋集十卷。

四庫總目紳詩有陶韋風致。無元季纖穠之習。

送鼎上人還鄉

青原有名縉。戒行極嚴具。一葦航大江。飄飄隨所遇。十月天雨霜。木落林姿露。翩然逸興發。長歌賦歸去。杖錫輕波濤。袈裟入煙霧。月照祇樹西。相思渺何處。

題小畫

青蘿山下結松樓。幾度臨風憶舊遊。今日畫圖看彷彿。淡雲疏朮不勝秋。

# 明詩紀事卷三

## 乙籤

姚廣孝十六首

廣孝長洲人。幼名天禧。既爲僧。名道衍。字斯道。洪武中以高僧選侍燕邸。永樂初。論靖難功。爲僧錄左善世。加太子少師。復姓。賜今名。卒。贈榮國公。諡恭靖。有逃虛子集十卷。

鳧藻集。斯道上人獨菴集。閔放馳騁。以警其才。優柔曲折。以泄其志。險易並陳。濃淡迭顯。兼采衆家。不事拘狹。

水東日記。劉原博嘗見姚榮公小像。僅寸許。周遭皆書公詩句。警聯如詠團扇云。掩歌聲不散。障月影同圓。御溝詩云。靜涵金殿影。清斷玉街塵。此類甚多。

國雅。姚恭靖性空思元。心寂語新。其興彌僻。其趣彌遠。如籠馴停信鶴。池蓄換書鵝。翠低承雨竹。綠碎受風蕉。過林纔見日。到渡不逢山。此例已到彼岸。惠休法振。不得專譽禪藻。

田按逃虛子集。有讀草應物詩云。古淡豈易學。五字真吾師。集中斯體最爲到格。與高季迪遊列北郭十友之一。季迪贈詩云。衍師本儒生。眉骨甚疏峭。軒然出人羣。快若擊霜鷁。固不待袁珙。見三角目僧。知爲病虎。

## 訪震師不遇

波澄一溪雲。霜紅半山樹。荒煙滿空林。疏鐘在何處。不遇采樵人。復抱孤琴去。

師林精舍遇盈師夜坐

空林長掩關。閒雲去無迹。偶來值禪侶。清談忘永夕。坐久磬聲沈。松堂一燈寂。

館中公暇讀王維孟浩然韋應物柳宗元詩四首

輞川治別業。來往少簪纓。幽遠勝柴桑。泉石有餘清。揮酒自爲樂。吟咏得真情。邈焉千載下。孰不慕高名。  
襄陽耆舊間。放情獨夫子。蹇驢城市中。短褐風塵裏。有時詩興發。高山共流水。閒澹意有餘。鮑謝焉足擬。  
少時事豪橫。中年道頗知。焚香日宴坐。隨處樂無爲。交遊泉石間。感物自成詩。古淡豈易學。五字真吾師。  
愚溪非舊業。幽棲亦超然。放逐豈不畏。所樂乃在天。寓意一於詩。出語何清研。恨不生同世。日夕與周旋。

遊龍泓洞

偶攜虎林僧。潛入龍泓洞。盤桓竟忘返。遊颺從所縱。泉聲風籟雜。雲氣煙嵐共。奇跡由人成。靈瑞乃天送。  
巖深匿猿蹤。竇曲應樵嘒。壁仄微蟲蟄。石罅古苔凍。不來甯免思。乍到翻疑夢。踟躕感舊遊。令人欲悲慟。

劉文貞公墓

良驥色同羣。至人迹混俗。知已苟不遇。終世不怨讟。偉哉藏春公。簞瓢樂巖谷。一朝風雲會。君臣自心腹。  
大業計已成。勳名照簡牘。身退卽長往。川流去無復。佳城百年後。鬱鬱盧溝北。松楸煙靄青。翁仲蘼蕪綠。  
強梁不敢犯。何人敢樵牧。王侯墓壘壘。廢不待草宿。惟公在民望。天地同傾覆。斯人不可作。再拜還一哭。

靜志居詩話少師早著才稱晚參帷幄文與北郭十友之列武居靖難諸臣之首觀其入燕兩謁劉太保墓詩蓋早以藏春子自命矣。

### 楊白花

楊白花。雪同色。最是無情況無力。西蕩東飄意難必。斷送春光何太疾。薄暮和煙點綠漪。化作浮萍自不知。願記春風回故處。爲伊吹入宮中樹。

### 妙上人習靜軒

巖嶺照深屋。雲松翳閑門。鳥嘯驚曙白。花氣覺春溫。以茲迴塵境。自可澄真源。冥觀了無法。何有寂與喧。

### 京口覽古

譙榜年來戰血乾。煙花猶自半凋殘。五州山近朝雲亂。萬歲樓空夜月寒。江水無潮通鐵甕。野田有路到金壇。蕭梁事業今何在。北固青青客倦看。

田按史稱洪武中詔通儒書僧試禮部道衍不受官賜僧服還經北固山賦詩懷古其儕宗泐曰此豈釋子語耶道衍笑不答卽此詩也。

### 寄虎邱蟾書記

聞道蟾公似贊公。一瓶一鉢寄山中。雲封蘿屋長疑雨。泉響松巖半是風。履破只緣行腳久。囊空非爲作詩窮。遙思短簿祠前夜。共聽寒鐘出磬東。

綠水曲

夕陽閣遠樹。春雲散澄江。不見蕩舟人。空對白鷗雙。

題畫

小小板橋樵路。深深茅屋人家。竹鷓夕陰非雨。桃源春煖多花。

開元寺雨中觀梅

遙思西崦開千樹。漫往東林見一枝。煙雨冥濛香影盡。爲緣惆悵立多時。

竹枝詞

一程煙水一程山。客子行時那得還。女兒擊榜歌欲絕。愁見溪月白灣灣。

解縉十二首

縉字大紳。吉水人。洪武戊辰進士。試中書庶吉士。改御史。建文立。謫河州吏目。旋待詔翰林。永樂初。進侍讀學士。直文淵閣。逾年。進翰林學士。出爲廣西參議。改交趾。入奏事。會成祖北征。見東宮辭去。徵下獄死。有白雲藁。東山集。

四庫總目。縉才氣放逸。下筆不能自休。當時有才子之目。迄今委巷流傳。其少年夙慧諸事。率多鄙誕不經。故李東陽懷麓堂詩話。謂其詩無全棄。真僞相半。蓋出於後人竄亂者爲多。然其中佳句間存。亦復不減作者。

東里文集。解公文雄勁奇古。新意疊出。敘事高處。適司馬子長。韓退之。詩豪宕豐贍。似李杜。其教學者。恆曰。當爲有瑕玉。勿作無瑕石。書小楷精絕。行草皆佳。曾榮集。集公爲中書庶吉士。嘗應制春雨詩。養鶴賦。操筆而成。造語奇崛。時中書舍人詹孟舉。以書名世。亟稱公書有法。而用筆精妙。出人意表。爲文與至落筆數千言。倚馬可待。未嘗創槩。人以太白擬之。麓堂詩話。解學士大紳。才名絕世。詩無全藪。黃學士諫。收拾遺逸。漫爲集刻。今所傳本。如采石弔李白。中秋不見月。不過數篇。其餘真僞相半。頓令觀者。有楓落吳江之歎。

七修類藪。永樂中。中秋開宴。不見月。聖情不懌。學士解縉。口占風落梅一闋云。姮娥面。今夜圓。下雲簾。不著臣。見。拚今宵倚闌不去。眠。看誰過。廣寒宮殿。又賦中秋。不見月。長短句一首。上覽之。歡甚。爲停杯以待。夜半。月復明。上大笑曰。解縉真才子。尊天手也。命宮人滿酌。宣勸。盡懽而罷。

匏翁家藏集。永樂時。人多能書。當以學士解公爲首。詩談吉水解縉。獨駕青鸞。翱翔八極。使謫仙遇之。當懸榻以待。

藝苑卮言。解大紳詩。如河朔大俠。鬚髯戟張。與之周旋。酒食侑父。狂草名一時。然縱蕩無法。正書頗精。研國史。唯疑成祖自平胡。平安南。以及河清麟見。騶虞龍馬之祥。胡楊塞夏。諸公皆撰爲賦頌。惟解大紳作。差可觀耳。

列朝詩集。縉爲庶吉士。高皇帝極愛之。每侍書。至親爲持硯。高皇帝崩。來奔喪。謫河州衛吏目。李曹公錄進登華嶽詩。詔待詔翰林。

田按大紳詩。才氣縱橫。不暇收拾。流傳訛雜。又復過之。朱氏詩綜。洗滌太淨。但錄寥寥短篇。不足見此公真面。今略廣爲甄錄。逸情勝概。可想見風流人豪也。

## 行路難

倚劍且莫嘆。聽歌行路難。世途反覆多波瀾。焦源九折未爲艱。君不見漢謠斗粟歌未闌。長門瀟瀟秋草

殘。骨肉之間尙如此。何況他人方寸間。又不見絳侯身榮轉繫獄。賈生空對長沙哭。功成更覺小吏尊。才高寧避讒言逐。所以赤松子。遠避中林期。誰能吳江上。見笑鴟夷皮。驪龍有珠在滄海。勸君逆鱗無浪批。子推介山下。屈原湘水湄。當時鑿枘一不量。至今憔悴令人悲。行路難。難爲言。滄浪一曲且歸去。長安大道橫青天。

長歌行

有淚莫泣鮫人珠。有足莫獻荆山玉。赤心徒使按劍看。至寶翻令笑魚目。千金蹈海稱達人。五噫出關東去秦。負芻無復遇知己。空歌白石南山春。楚卿棄相復何有。於陵甘作灌園叟。雜縣偶集魯東門。悵悵胡能事杯酒。長風蕭騷百草殘。長劍悲歌涕洟瀾。金臺駿骨久已化。瑤水風波不可攀。畏途羊腸能折軸。作詩爲謝雲間鶴。海上三峯久負期。醉歸休託平原宿。

趙松雪畫杜陵戴笠圖

碧雞坊裏春風顛。浣花溪邊晴日暄。浩歌一曲花弄影。慷慨不及開元前。飯顆山頭憶相見。歷下新亭舊時面。吟詩未遣髭鬢愁。愁絕胡塵暗河縣。平生落筆五嶽搖。調笑不作兒女嬌。錦袍仙人伯仲耳。誰謂有作徒相嘲。詩卷長留兩不滅。玉顏癯骨俱清絕。萬古詩人照膽寒。松柏蒼然傲冰雪。吳興公子眞天人。寫影自與韓衆親。新圖古色照秋水。如此子美方逼真。槎翁老仙我所敬。十年寤寐遊珠林。新詩妙墨聚片

紙令我觀之。諸夙心。嗟余豈是諸公徒。青天空行一事無。紛紛餘子風斯下。獨立唯見明星孤。吁嗟杜陵焉可呼。

王士禛居易錄。趙松雪畫杜子美戴笠圖。深衣烏帽。加竹笠其上。足躡芒鞋。昂首袖手。若行吟之狀。下方有趙子昂氏及松雪齋二印。上有劉崧子高題絕句云。杜陵憔悴鬢如絲。飯顆淒涼日午時。爲報西流夜郎客。錦袍霜冷更相思。自跋云。右草堂杜拾遺戴笠小像。吳興趙文敏公所畫。往年余得之高安劉氏。它日與□□微士觀畫於桃源山中。因持以歸之。併題識其上云。洪武庚申秋仲。珠林生劉崧書。解春雨又題七言長歌一篇。書法精勁。類邢太僕。末題前翰林解縉書。詩不見本集。予平生所見。唯故友宋荔裳所刻秦州像。何宇度所刻成都浣花草堂像。皆石本。蓋皆臨松雪畫。而風神不及遠矣。

施閏章蝮齋詩話。西昌蕭伯玉太常舊藏杜陵圖。高可盈尺。純用白描。而神采高寒。趙文敏筆也。劉公子高題句。解縉春雨。又書長歌其上。此詩既佳。而解集失載。字體作指大行草。適潤有法。絕非世所傳解書體也。時以趙畫劉解兩公題爲三絕。余官湖西。從蕭氏孟昉見之。賞異。作詩。蕭輒欲見。贈不受。及歸田。再贈始受之。時一展對。如揖浣花老人也。

### 交趾卽事

交趾名藩百雉雄。高駢塔在古城東。弓刀選士軍容肅。鏡角吟風奏節同。蠻女豔粧爭叩髮。夷人村鼓共鳴銅。可憐新息猶遺廟。銅樹荒涼草棘中。

### 北流句漏洞

北流縣下古銅州。平地山巖聳玉樓。誰爲丹砂赴句漏。人傳蝴蝶滿羅浮。楊妃井塌風煙古。葛令祠荒草



樹秋。卻憶故鄉山更好。錦袍煙去掉扁舟。

遊閣阜山

到處名山曾一遊。今年紫淦更淹留。凌雲峯上九龍井。閣阜山前雙鯉洲。宋元碑仆翠苔積。草樹日與蒼煙稠。登高弔古愁明月。明月西墜愁未休。

退朝卽事二首

椰子南來百粵中。黃藤純束赤筠籠。恩頒內閣分攜去。猶有大官黃紙封。大將平湖兀亮阿。旌旗雲擁照山河。明朝借我雙雄鳳。直上青天聽凱歌。

全州雜興

陶生岩畔午風清。唐介墳前江水平。兩岸鷗鴟啼不住。畫船撾鼓到全城。

西行

八千里外河湟客。烏鼠山頭望故鄉。欲問別來多少恨。黃河東去與天長。

廣西感舊

去歲端陽奉御筵。金盤角黍下遙天。黃封特賜開家宴。回首薰風又一年。

過三合驛

荔枝子結蟲窠綠。倒黏花開女臉紅。望見石城三合驛。便分歧路廣西東。

石渠隨筆解縉自書雜詩卷。字迹揮灑自如。頗似懷素。特轉折處露鋒耳。故此公工力正自不少。詩極奇麗。多粵中詩。蓋永樂五年。謫廣西布政司參議。旋改交阯。督餉化州。八年始還。此詩爲謫後所作。觀此可知僞文毅集中之繆。今擇錄廣西感舊。過三合驛二絕。末款云。此余近日所作。數詩皆率爾而成。今又率爾書之。雖然。未嘗敢棄古自爲也。中間複筆覆筆返筆之妙。付有識者自辨之。

### 楊士奇八首

士奇名寓。以字行。泰和人。建文時以薦授教授。旋入翰林。充編纂官。試吏部。授吳府審理副。仍供館職。永樂初改編修。入內閣典機務。歷侍讀。左中允。左諭。德學士。改左春坊大學士。仍兼翰林學士。隆慶初擢禮部侍郎。兼華蓋殿大學士。進少傅。兼兵部尚書。正統初進少師。卒贈太師。諡文貞。有東里全集九十七卷。別集四卷。

四庫總目。明初三楊并稱。而士奇文章特優。制誥碑版。多出其手。仁宗雅好歐陽修文。士奇文亦平正紆餘。得其髣髴。故鄭瑗并觀瑣言。稱其文典則。無浮泛之病。特錄細事。極平穩。不費力。後來館閣著作。沿爲流派。遂爲七子之口實。然李夢陽詩云。宣德文體多渾淪。偉哉東里廊廟珍。亦不盡沒其所長。蓋其文雖乏新裁。而不失古格。前輩典型。遂主持數十年之風氣。非偶然也。

水東日記。二月二日。秋官郎中彥謚賢友南行。詩以識別。楊生青雲器。文彩輝白璧。腰間龍泉劍。別我有遠適。吾聞禹徂征。舞干致苗格。所以宣尼訓。服遠修文德。好謀而有成。明明垂警飭。如何才智士。宏議薄古昔。懷忿遠圖急。功幸苟得寧。論萬里。

行糗糗豫峙積。漢廷所遣帥。孰是趙充國。子行職贊襄。屢勉總良畫。雖有斗酒錢。安能寫胸臆。臨歧念素交。聊贈繞朝策。廬陵楊士奇右詩見楊氏世美錄。初麓川之議。蓋有主之者。內閣未之聽。而兵部和之。於是王忠毅公有總督之命。此詩大意具矣。後來忠毅西巡一奏。此事愈明。他日豈無秉公是於形簡。而致深慨於是詩者乎。

麓堂詩話。楊文貞公東里集。手自選擇。刻於廣東。爲人竄入數篇。後其子孫又刻爲續集。非公意也。文貞亦學杜詩。古樂府諸篇。間有得魏晉遺意者。尤精鑒識。慎許可。序唐音。謂可觀世變。序張式之詩。稱勗哉乎權而已。

何孟春餘冬序錄。晉天文志。瑞星凡五。宋中興天文志。瑞星十有二。詳減不一。其三則皆曰含譽。宣德五年冬。是星見於九旂。朝臣表賀。上謙不居。賜之璽書。相爲戒飭。時楊文貞在閣。進詩一章。有曰。宣德庚戌。月惟己丑。其日丁亥。名瑞在酉。大星如丸。九旂之旁。有彗若射。金玉其煌。厥名含譽。太史敷奏。百辟嗇呼。賀祥獻壽。皇德仁聖。謙讓是崇。歸功穹祇。歸功祖宗。歸功聖母。亦及臣子。伸命飭勵。敬哉勿怠。數句善寫聖君之心。

翰林記。太宗在北京。有白鵠之瑞。行在禮部。行南京慶賀。自皇太子監國以下。及五府六部。例各進表。時楊士奇以病在告。監國表命庶子贊善呈稿。殿下不憚。命尙書蹇義持以示士奇。士奇曰。甚寂寥。且不著題。似賀白龜白鹿皆可。因命改益。士奇改一聯云。望金門而送喜。馴形陛以有儀。後增一聯云。與鳳同翔。踰於帝舜之庭。如玉之輝。霽霽在文王之囿。義以進。殿下喜曰。此方是帝王家白鵠。適內使陳昂進御饌。徹以賜之。且有旨使勉進藥食。早相見也。

菽園雜記。東里楊先生。嘗見崑山屈昉送行詩。有佳句。默識其名。一日知崑山縣羅永年。以事上京投謁。東里問崑山有屈昉何如人。永年茫然無以對。東里云。士人尙不知耶。永年慚赧而退。及還任。乃求昉識之。未幾有詔舉經明行修之士。永年乃以昉應。除南海縣丞。卒官。前輩留心人物如此。

懸笥瑣探。况公鍾治蘇。剛果敏達。不畏強毅。有忠政。九載滿去。師民赴闕留者。八萬餘人。遂再遣任。楊文貞贈以詩曰。十年不愧趙清獻。七邑又迎張益州。在郡十有一年。卒於官。士民繪其像。祀於范文正公祠。藝苑卮言。楊文貞尙法。源出歐陽氏。以

簡澗和易爲主而乏充拓之功。至今貴之曰壺閣體。詩如流水平橋。粗成小致。

詩藪永樂中楊文貞、胡文穆、金文靖皆大臣有篇什者。頗以位遇掩之。詩體實不正可觀。

西江詩話何喬遠文苑記序云。士奇壺閣之體。當世所推。良以朝廷之上。但取敷適。相沿百餘年。有依經之儒。而無擅場之作。似譏其稍涉淺顯也。然以語文貞制語文字則有然。若其詩清真麗則悠然而有餘思。逼真唐人。氣格殊非苟學所能到者。當有知音味余此言。

田按文貞晚年思歸。嘗自述胡光大語余。術者言同官中吾兩人將老得退。果若其言。卽各具小舟。可二僮操者。舟中貯書冊。檣筆。壺觴棋局。如廣訪君。熾舟君。門外一里所。遣童子招君。君徑入舟。同泝流至五雲驛。望夫容峯。則返權及君入舟處。君獨歸。廣不過君竟去。君訪廣亦然。但沿流至玉峽而返。歲必五六過訪。用此共適餘年。他日又語予曰。吾兩人情義實兄弟。後死則銘予諾之。顧時亦謾言耳。豈謂光大先子後也。沒後半歲。余夜夢偕光大泛舟。自快閣至郡城下。同載甚樂。共聯詩。光大起首句。僕續第二第三。光大續第四第五。僕又續第六第七。光大結終句。既覺而忘第五至第七三句。余悲愴不勝。遂補之。詩曰。金螺瀟灑對夫容。鷺渚漁舟窈窕通。遠樹白雲秋色淨。故人清興酒船同。河山夢冷謳吟後。生死交深感慨中。猶想勝緣如夙昔。並騎黃鸝過江東。厥後年幾七十。又作歸田趣四時滿江紅詞四首。今錄其春牧云。霜鬢蕭蕭。皇恩重賜歸田里。郊郭外草亭四面。青山綠水。好鳥好花。春似昔。同時同輩人無幾。一布袍棕帽。任逍遙。東風裏。芳草岸。平如砥。垂楊徑。清如洗。散牧處。冉冉晴霞飛綺。江色比於懷抱淨。都無一點閒塵滓。更小兒牛背有書聲。清入耳。秋漁云。七十歸來。西江上。堪遊堪釣。秋水共天長一色也。堪吟嘯。穩坐木蘭漁艇子。大兒能網中兒棹。小兒自理會。蒸香爐。烹茶竈。蘋花渚。雲爭耀。楓葉岸。霞相照。山無數。清比方壺貝嶠。放浪不知天地外。蕭閒底用玄真號。聽數聲長笛白鷗前。江南調。正統初。數以高年辭。弗許。僅得還鄉。展墓。數句卽來京。前詩見自題雪夜清興倡和卷。永嘉謝廷循爲作雪夜清興圖。後詞見歸田圖卷後。卷首沈氏則錄古詞及自序。錢塘蔣廷暉書畫四段。則華亭朱孔易筆也。

題陳叔起詩

青山帶長林。虛亭負蕭爽。溪水流玉虹。天光涵滉瀟。頽潔淹澹遊。蹇芳愜幽賞。惟有同心人。扁舟自迴往。

夏夜用謝宣城韻答陸伯陽

連柝起高城。微鐘飄廣陌。徘徊夏夜長。懷人未眠客。林風有餘清。庭月流虛白。結思渺城南。如何違促席。

滕王閣送別

章江西來繞洪州。滕王高閣臨江流。滕王去後無千歲。高閣人間幾興廢。昔聞貞觀全盛時。大廷金册封宗支。時平還出領旌節。富貴非常驕逸滋。正對西山俯南浦。雕闌朱檻參差起。玳筵鳳管雜龍笙。白晝歌聲彩雲裏。留連晚日下簾鈎。別有漁歌聞上頭。同眸共盼滄洲際。杏彩蘭嬌擁峨眉。只言歡樂殊未央。城頭一夜飛秋霜。三春榮盛逐流水。佩玉鳴鑾俱渺茫。年深代易無此閣。好事何人爲重作。絕世留傳蛺蝶圖。東風粉色皆銷落。只今閣空臺亦平。瀕江但有滕王亭。松門薄暮掩脩竹。萬葉蕭蕭寒雨青。當時棄德耽遊宴。身後荒涼竟誰歎。一種南昌孺子亭。行人下馬思東漢。君行幾日過江津。弔覽應知作賦新。文章自昔三王盛。還見今人繼昔人。

寄尤文度

昔憶尤參議。投簪養病勞。卑栖人總厭。閒散自能高。廚卻胡奴米。門深仲蔚蒿。平生冰雪意。猶足重吾曹。

送向武全吏目

一命微官萬里程。清時行送魯諸生。天連粵嶠孤城險。家渡湘江數口輕。楊柳飛花沾去棹。桃榔雜樹隱離情。才高莫歎淹遐僻。政滿還來謁聖明。

發淮安

岸蓼疏紅水荇青。茨菰花白小如萍。雙鬢短袖慚人見。背立船頭自采菱。

題少保楊澹菴江鄉歸趣圖

巴陵西畔楚江分。曾泛湖波望嶽雲。借得君山小龍笛。月明吹向洞庭君。

劉伯川席上作

飛雪初停酒未消。溪山深處踏瓊瑤。不嫌寒氣侵入骨。貪看梅花過野橋。

雙槐歲鈔。泰和劉伯川善觀人。時楊士奇年十四五。與陳孟潔往候之。伯川以二人皆故人子。入見款洽焉。是日雪霽酒酣。伯川命各賦詩言志。孟潔賦云。十年勤苦事雞窗。有志青雲白玉堂。會待春風楊柳陌。紅樓爭看綠衣郎。士奇卽景賦詩云。伯川顧孟潔笑曰。十年勤苦。只博紅樓一看耶。士奇當不失風流進士。顧士奇笑曰。雖寒士當耐。又曰。人有不爲也。而後可以有爲。士奇當大用。尙勉之。惜予不及見也。伯川卒後。孟潔果第爲翰林庶吉士。而士奇官至少師。皆如伯川言。

楊榮十六首

榮初名子榮。字勉仁。建安人。建文庚辰進士。授編修。永樂初入直內閣。賜今名。歷修撰。侍講。右諭。

德、右庶子、學士、掌翰林院事。進文淵閣大學士。仁宗卽位，進太常卿，尋進太子少傅，謹身殿大學士，進工部尚書。宣德中，進少傅，正統初，進少師，卒贈太師，諡文敏。有默菴、雲山小橐、靜軒、退思等集。

四庫總目：榮當明全盛之時，歷事四朝，恩禮始終無間，儒生遭遇，可謂至榮。故發爲文章，具有富貴福澤之氣，應制諸作，泯泯雅音。其他詩文，亦皆雍容平易，肖其爲人。雖無深湛幽渺之思，縱橫馳驟之才，足以震耀一世，而逶迤有度，醇實無疵。臺閣之文，所由與山林枯槁者異也。與楊士奇同主一代之文柄，亦有由矣。

殿閣詞林記：永樂八年，成祖北征，至野狐嶺，召學士胡廣等賦平胡詩。楊榮曰：聖主尊居四海安，天教戎虜自相殘。上甚嘉之，未幾諜知本雅失里，與其下阿魯臺擊殺，東西奔遁，乃召榮諭曰：此賊果自殘滅，汝前日之詩，安知不爲讖乎？榮下馬叩謝，上喜，命賜羊酒。

翰林記：永樂八年，上親征次清水源，水皆苦鹹，不可飲，人馬俱渴。改營西北二三里許，忽有泉湧出，清徹可愛，命楊榮與胡廣往觀。遣中官以銀瓶汲取，上親嘗之，味甚甘美，賜榮等飲訖，士馬爭趨之，皆給足。命曰：神應泉。又明日，應制撰神應泉詩銘，上嘉之，各賜上尊。宣德二年三月，驪虞見，榮獻頌，上褒賞之。三年，扈從北征，凱旋進平胡詩凡十篇，各立題命意，上覽之喜，屢沐白金鈔幣之賜。

閩小紀：閩有貧生客京師，饑寒濱死，頗善丹青，不能售一錢，因以兩幅獻楊文敏公榮，公題其上而還之。詩云：誰家老屋枕溪濱，十里青山半是雲。此處更無塵迹到，祇應啼鳥隔花聞。明日張此畫於市，價遂湧起。

田按：西陽銘東陽菴云：北裔西垂，從狩萬里，職典著文，亦兼知武。羌磨胸臆，帥垣弱強，重瞳壓顧，敷奏惟明。參機務者，不熟寒垣形勢，何以禦侮。後來惟張江陵庶足當此。

平安南頌

於皇太祖。統一萬邦。普天率土。來廷來王。歲時貢獻。厥篚相望。如彼葵藿。心傾太陽。赫赫業業。端拱而治。嘉祥屢臻。靈物畢至。文武將相。視同一體。龍興雲從。風行草靡。南平江漢。北定朔方。中原晏然。以耕以桑。閩浙蜀越。悉歸版章。我皇繼統。一遵成憲。敬天勤民。恭己南面。萬里邈遠。如覲目前。幽側荒僻。無不燭焉。蠢茲南夷。肆逞悖逆。在廷臣庶。請加誅殛。皇帝曰吁。藐焉狂獠。敢肆凶頑。自致天討。乃命大將。旌旄夾夾。鉦鼓喧鑄。師律而滅。嗟爾蠻夷。叢爾土壤。蜂蟻之衆。狐貉之黨。潛形穴巢。孰使狂罔。天戈一麾。魂褫魄喪。帝戒將臣。神武不殺。殲厥渠魁。下人可活。帝戒將臣。奮揚威武。相其原隰。深入其阻。將臣所至。悉諭聖恩。振威揚武。雷擊電奔。逆豎潛伏。殲拔厥根。以解倒懸。以雪煩冤。帝謂將臣。爾訪陳氏。厥胤伊何。求立續嗣。咨詢陪臣。曰無餘裔。國人靈傷。歔歔怨詈。帝曰吁哉。惟彼南人。雖在蠻貊。同乎大鈞。棄而弗理。禍亂彌臻。蕩滌瑕穢。紀綱維新。邦之耆老。咸詣轅門。請置郡邑。維屏維藩。教以忠孝。俾知彝倫。耕食鑿飲。同我夏人。邦人有言。昔荷戈戟。昏迷弗恭。妖狐所惑。今見王師。如拯焚溺。輸誠歸向。剗硤洗滌。邦人有言。聚嘯跳踉。獠犬所制。莫知其方。今覲義旗。正正堂堂。引拔崖石。置之康莊。扶攜涕泣。指誓天日。銷兵歸田。裂帛入室。祛其狼暴。以儆質實。世世臣妾。永保寧謐。將臣撫循。以寬以勤。征夫鼓舞。行旅懽忻。歸牛休馬。喜動風雲。凡在戎行。咸預顯融。莫不稽首。惟皇之功。惟皇之功。克紹太祖。惟皇之基。超軼前古。惟皇之德。上侔堯禹。



於萬斯年。作民父母。

田按西楊亦有平安南詩。格義精整。東里集人所習見。故捨彼錄此。

題王侍講山水

木落霜氣清。秋山淨如洗。天空萬籟寂。地迴孤雲起。深溪湛寒綠。對此清心耳。安得掃蒼苔。橫琴寫流水。

雲山圖爲東里楊公作

雲山何茗巽。林木鬱而秀。繞庭芳草深。清禽哢春晝。有書可覽適。有田可耕耨。因援嶧陽桐。一寫邱中奏。

題張真人鵠峯清暑圖

鵠峯嵯峨幾千尺。屹立江南半空碧。仙家正在龍虎山。林壑翛然絕塵迹。茅屋俯瞰峯之阿。石泉飛洒浸垂蘿。向來六月不知暑。空翠滿襟涼氣多。道人時把瑤琴理。流水高山少知己。問誰載酒泛中流。來聽清商間宮徵。我生性嗜山水幽。忽見此圖清興留。何當從子問真訣。周覽八極尋丹邱。

題吳尙書山水圖

青山嵯峨半空立。萬疊芙蓉紫煙溼。峯前昨夜春雨深。繞澗飛花水流急。隔嶼人煙凡幾家。一徑蒼苔石磴斜。溪迴路細長芳草。月落林幽歸暮鴉。山深洞口行人少。白雲飛墮青林表。恍見滄洲樹色微。如聞古寺鐘聲杳。茅檐日出雞犬喧。十里煙光連遠村。依稀乍入篔簹谷。彷彿自是桃花源。乃知畫者通元理。點

染天機筆鋒裏。尙書愛此欣得之。素壁高堂見山水。人間美景不易尋。此圖直比雙南金。玉堂展卷慕清絕。爽蕭蕭風樹林。

宋徽宗耕牛圖爲黃福少保之子題

春原過雨春日熙。春樹連陰春草肥。田家力耕貴及時。手挽牛兮肩負犁。草香泉美牛步遲。農心汲汲應何爲。上恐公家賦稅虧。下慮私門妻子饑。吁嗟牛兮胡不知。宣和之初能念茲。九重燕暇親寫之。驕奢一動萬事隳。塞草黃沙千載悲。

賜遊萬歲山詩有序

宣德三年三月庚辰。上命尙書臣蹇義等。十有八人。同遊萬歲山。頃之中官傳旨。許乘馬及將從者二人。旣入東上北門。乘馬及乾甯門。下馬步出度橋。中官導引。登山周覽。復賜登御舟。泛太液池。賜茶及素羞十餘品。而凡蕩槳持楫者。皆中使唱和合律。旣而抵新建圓殿。地勢奇勝。金碧照耀。恍若身在蓬萊宮闕。有間。上乘馬至。慰勞甚周。臣等皆叩首稱萬歲。上大喜。徘徊久之。特召臣士奇、臣榮。諭以天下無事。雖不可流於安逸。而政務之暇。命卿等至此。以開豁心目。庶幾古人遊豫之樂。不在拘檢也。臣士奇、臣榮叩首稱謝而退。傳諭羣臣。方憑檻觀中官擊舟網魚。復有旨。人賜御釀玉醅一甌。飲復命乘馬遊小山。行一里許。上乘馬繼至。羣臣匆促將下馬迎。特旨勿下。諭

中官人賜鈔三千貫。從者人三錠。且令中官陪至小山飲饌。盡醉而歸。駕遂回。未半里。遇池中水鳥羣飛。上親發一矢。中一鳥墜馬前。諸臣方入小山門。遙見中官持鳥至。傳命賜義等炙食之。羣臣望闕叩首謝。遂徧遊小山。觀二獅子滾毬。并覩金龍噴水水簾。及曲水流觴之處。皆雕琢奇異。布置神巧。莫不稱讚良久。乃退坐松柏間。享酒饌。皆珍奇之品。中官相與勸酬甚懽。酒未闌。人賜鸚鵡一。將徹。復賜從者酒食。皆醉飽而歸。及出西安門。天已暝。抵家更初。鼓作。羣臣莫不感恩懷德。以爲萬世之奇逢。翊旦。臣義等方相率詣御前稱謝。而中官傳旨免謝。羣臣不勝惶恐。感戴天恩之至。臣榮竊以爲君臣相遇。自古爲難。昔唐太宗之世。房玄齡輩十八人。得承寵眷。時以爲登瀛洲。至今相傳以爲盛事。臣榮何幸。遭際聖明。夙夜兢惕。深以弗克。報稱爲愧。伏蒙聖上不以臣榮不肖。爲嫌。屢錫寵恩。獎諭甚至。今復得預斯列。恩榮之盛。無以復加。敢不勉盡心力。以圖効報。於萬一乎。因不揆蕪陋。謹賦五言律詩十首。以述皇上眷待臣下恩禮之隆。以紀羣臣遭際之盛。且使後之爲臣者有所勸勉焉。

瓊島宸遊日。隨遊切九重。天恩許乘騎。仙仗從飛龍。迤邐雲霄近。汪洋雨露濃。詞臣何慶幸。千載得遭逢。  
太液春波煖。承恩泛綵舟。輕盈蘭棹發。蕩漾玉虹流。簾影移宮樹。茶香出御甌。此中多勝景。況是從宸遊。  
翠巘開新殿。團花簇玉闌。醇醪天上賜。仙境御前看。浩蕩恩波闊。光榮禮數寬。微臣沾聖澤。何幸侍金鑾。

奉詔隨鸞馭。遨遊徧小山。風光連禁籞。花影覆清灣。路繞金宮轉。雲隨綵仗還。紫駟如掣電。倏已度仙關。猛獸來西極。低回御苑中。爪牙真猛捷。毛骨獨奇雄。寶樹橫金瑣。珠毬結綵茸。從容看率舞。還想有虞風。玉潤通泉脈。金龍噴雪花。崢嶸山骨潤。澗漾水簾斜。暝色凝飛雨。清聲隔綵霞。此中塵不到。應卽是仙家。水鳥多馴狎。偏隨綵仗飛。六龍迴御輦。一箭落毛衣。珍味同霑賜。儒冠倍有輝。獨慚無寸補。遭遇古來稀。松柏清陰滿。林間列宴時。玉階分御賜。仙醴泛金卮。翠釜駝峯異。雕盤鱠縷奇。恩同天地闊。思報永無涯。珍禽來異域。分賜出雕籠。稟質生尤異。能言類莫同。宴遊逢聖世。恩眷自宸衷。感激應無極。懷思意不窮。四海同熙皞。宸遊樂太平。綵雲隨御輦。瑞日照霓旌。賜賚何稠疊。霑承感聖明。永言歌帝德。千載播鴻名。

楊溥八首

溥字弘濟。石首人。建文庚辰進士。授編修。永樂初進洗馬。以事逮繫錦衣衛獄。仁宗卽位。擢翰林學士。進太常卿。宣德中召入內閣典機務。遷禮部尙書。正統初進少保。武英殿大學士。卒贈太師。諡文定。有文集十二卷。詩四卷。

李賢古穰雜錄。先生在獄中十餘年。家人供食數絕糲。又上命莫測。與死爲鄰。愈勵志讀書不輟。同難止之曰。勢已如此。讀書何爲。曰。朝聞道夕死可也。五經諸子。讀之數回。已而得釋。晚年遭遇。爲閣老大儒。朝廷大制作多出其手。實有賴於獄中之功。初入鄉試爲首選。初儼典文衡。批其所刊文曰。初學小子。當退避三舍。老夫亦讓一頭地。又曰。立玉階方寸地。必能爲董子之。

正言而不效公孫弘之阿曲。人以儼爲知人。

水東日記。楊文定公最善王檢討振。張修撰益。相見輒出所作。就二人評。有所改易。卽樂從。公亦善改人文字。泰和陳學士。當筆譏祭文。欲有所易。陳忿然不平。見於言色。公卽已之。

田按世稱西楊文學。東楊政事。南楊雅操。狂獄十年。養晦愈明。漢庶人反。南楊從征。詩云。擣楫耀齊分。龍御勤六師。出門馳馬去。不暇告妻兒。親友送我行。欲語難爲辭。死生豈不卹。國事身以之。可謂社稷臣矣。文定集世所罕見。余從真定梁氏購得。甄錄較他集爲多。

宣德丙午扈駕巡邊途中感興十首錄四

膏車度重關。重關路漫漫。兩廂旣充物。四牡何盤桓。翹首望前軌。迢迢不可攀。任重難爲力。臨歧發長歎。策馬登崇岡。一覽洞八荒。山川限南北。華夷有定疆。猗歟商周盛。以德爲保障。秦隋勤遠略。禍亂起蕭牆。前車旣脫輻。後車屢卻行。幸爾出險道。蒸徒發歎聲。爲語推車人。戒慎宜有恆。不見平路上。覆轍方縱橫。同居貴安逸。同行共苦辛。牽車朝出門。長坂沙沒輪。前呼後相應。推挽到平津。豈徒貴同力。尤貴同心人。

送歸州太守復任

青年太守好風儀。眼底如今更覺稀。典郡遙臨巴子國。征帆重過呂公磯。茶輸官課秋前足。稻種山田火後肥。南望鄉關遙送客。歸心應逐塞鴻飛。

送鄒侍講仲熙扈駕北行修實錄

紫蓋黃旗出九重。綠楊馳道馬如龍。中原形勝經行舊。太史文章製作雄。仗外金蓮輝夜月。花邊玉珮度春風。封章多是陳民俗。不羨相如一賦工。

題玉樹瓊林卷

半簾晴雪草堂春。石鼎清茶趣味真。誰羨名園桃與李。輕車寶馬逐香塵。

送素庵給諫還里

槐陰滴翠滿前除。芸閣涼生暑雨餘。啼鳥數聲清晝永。北窗睡起課兒書。



# 明詩紀事卷四

## 乙籤

胡廣三首

廣字光大，吉水人。知府子祺子。建文庚辰第一人及第，更名靖，授修撰。永樂初直內閣，復名廣。歷侍講、侍讀、右庶子、翰林學士，兼左春坊大學士、進文淵閣大學士。卒，贈禮部尚書，諡文穆。洪熙初加贈少師，有文穆集二十卷。

東里集文穆爲文，援筆立就，頃刻千百言，沛然行雲流水之勢。賦詩取適性情，近體得盛唐之趣，工書法，行草之妙，獨步當世。翰林記：永樂十八年，禮部郎中周訥請封禪，大臣有陰主之者，學士胡廣獻卻封禪頌，上遂止。

藝苑卮言：胡文穆善真行草，名不及解大紳，而遇過之北征諸鎮，皆其勒石。

金陵瑣事：大學士胡公廣，冬至後六日，扈從獵龍山，同卷尙書、金諭德、遊牛首山佛窟寺。詩云：曉從鑾輿出九關，偶尋牛首共躋攀。南唐古寺留碑在，西蜀高僧度錫還。百尺巖龕出鳥上，半空鐘鼓隔人間。暫遊已覺塵緣寂，到此方知佛窟閒。注云：寺有南唐孫忌撰碑尙存，余因此詩遍尋之，山中無此碑。

國史唯疑：永樂四年，集儒臣及修書秀才數十人於丹墀內，同賦白象詩，胡廣第一。田按：光大詩和平蘊藉，西楊稱其近體尙非溢美。

## 送周判官致仕



送別倒離樽。春風白下門。煖煙滋柳色。新水上潮痕。落日迴孤棹。幽居憶舊村。獨憐江浦月。隨處照黃昏。

重陪駕至太液池

玉砌臨無地。飛甍上倚天。微風斜舞燕。高柳沸鳴蟬。芳草茸茸細。池荷箇箇圓。孰知丹禁裏。別有好林泉。

翰林記永樂中學士胡廣等七人。從上幸北京。每令節燕閒。扈駕登萬歲山。侍宴廣寒殿。泛太液池以爲常。廣等多爲歌詩以記之。

田按胡若思和胡學士侍駕遊萬歲山詩云。鳳輦宸遊日。祥雲夾道紅。香風傳別殿。飛翠繞行宮。徑轉千巖合。波迴一鏡空。忽看鸞鶴起。聲在半天中。澗道蒼苔合。房櫳繡戶分。碧濼晴欲雨。錦石暖生雲。嘉樹千尋秀。靈蒲九節芬。廣寒宮闕近。天語半空聞。閣道雲爲幄。仙田玉作臺。更無凡跡到。只有異香來。柳拂金輿度。花迎寶扇開。太平多樂事。扈從得徘徊。雨晴山色好。太液煖浮春。遊鯉遙吹浪。飛花近著人。列筵深寵渥。載筆煥絲綸。願繼周南作。騶虞詠至仁。金文靖和胡學士春日陪駕遊萬歲山詩云。鳳輦遊仙島。春殘花尙濃。龍紋蟠玉砌。鸞語度瑤宮。香霧浮高樹。祥雲麗碧空。五城雙闕外。宛在畫圖中。截縹淩丹闕。迢遙跨紫臺。龍香浮日動。鳳蓋拂雲來。疊嶽參差出。層厓隱映開。幽情不可極。臨眺重徘徊。王希範和胡學士從遊萬歲山詩云。飛旂淩丹壑。鳴鏜陟紫臺。日邊雙鳳下。雲裏六龍來。寶殿臨空敞。璫筵就水開。共跨青鎖客。陪宴柏梁回。梁用之和胡學士從駕幸萬壽山詩云。春樹如雲綠。春花勝錦紅。晴波融太液。旭景綉瑤宮。鶴馭移丹禁。鸞旂拂紫空。童前歌吹發。響入翠微中。玉泉凝石髓。金粉落松花。蓬島行應近。丹邱去不賒。宸遊乘淑氣。物色媚韶華。還道相如渴。傳宣亦賜茶。憩童餘芳趣。流觴愛晚春。圓荷剛出水。細草欲薰人。鳥過時衝伏。魚遊不避綸。君王多樂事。及物在深仁。冊副交密樹。翡翠錯疎篁。眠鸞晴滿日。馴禽潔似霜。雲窗飄桂子。風榭鏤芝房。回輦經行處。還憐暝色蒼。錄光大詩並附於此。

送江仲隆

十年清宦住京畿。白髮蕭蕭老布衣。鄉里交遊前輩在。關河離別故人稀。官橋細柳藏新雨。水驛輕帆背夕暉。我有愁懷何處寫。秋來目望雁南飛。

胡儼七首

儼字若思。新淦人。僑寓南昌。洪武丁卯舉人。授華亭教諭。改長垣。求使地。復改餘干。建文初。遷桐城知縣。永樂初。授檢討。入直文淵閣。歷侍讀。左春坊諭德。改國子祭酒。兼翰林侍講。掌院事。洪熙改元。以疾乞休。進太子賓客。仍兼祭酒。致仕。宣德初。以禮部侍郎召。辭歸。有頤菴集三十卷。

四庫總目。儼詩頗近西江一派。詞旨高邁。寄託深遠。與三楊之和平安雅者。氣象稍殊。

翰林記。太宗朝。內閣七人者。在館閣相與倡和。有直閣卽事諸詩。侍講胡儼嘗有句云。清曉朝回秘閣中。坐看宮樹露華濃。綠窗朱戶圖書滿。人在蓬萊第一峯。

畫史會要。若思以水墨秃筆寫羊鹿。甚生動。亦能竹石蘭蕙。

夢蕉詩話。胡頤菴以文學鳴世。洪武間爲東宮侍讀官。入永樂爲國子祭酒。常就學舍謁文山祠。有詩。末云。南歸慷慨勤王日。北上從容就死時。千載英風動毛髮。黃鸝碧草不勝思。予謂頤菴之句佳矣。特所謂思之一字恐未也。正學子甯二公與先生俱爲同官。地下修文處相見。當不免話及往事。

田汝賓客詩。詞格軒爽。較勝冕菴。惟大篇不耐多吟。頤菴集末附詩話數則。述虞伯生寫韻軒。滕王閣等詩。多在朝奏。歸田藪所未載者。大興翁覃溪閣學輯虞文靖集。搜羅頗富。於滕王閣詩。僅錄二首。蓋未見斯集也。李文正麗堂詩話云。胡文穆澹菴集。載虞伯生三詩。今檢文穆集無此詩。文穆別號冕菴。無澹菴之號。蓋偶誤記也。賓客於永樂壬午。遷侍讀。甲申。遷諭德。見楊

文定所著墓碑。史稱直文淵閣。遷侍講。進左庶子。與碑不合。偶未檢耳。

短歌行

前有尊酒揚眉浩歌。少壯不樂。老當奈何。瞻彼芳樹。灼灼其華。清颯颯至。落葉辭柯。蜉蝣朝飛。螻蛄夕悲。空江鴻賓。遙海燕歸。錦席高張。嘉賓滿堂。朱絲玉柱。汎羽流觴。翳翳昧谷。羲馭已促。爲歡未終。更當秉燭。驟暑

端居適煩燠。策杖散幽襟。逍遙池上行。愛此嘉樹林。游鱗泳微波。黃鳥遺好音。遙睇高原綠。欣然偕夙心。疏雨忽飄灑。浮雲生夕陰。坐來屏明燭。空對窗間琴。陶然卽枕席。焉知古與今。

舟中雜詠

路逐淮南去。人從薊北回。青山看漸近。白鳥過還來。候吏依沙立。征帆背月開。誰家煙霧裏。風笛弄清哀。過赤壁

一棹空明泝碧濤。遙看赤壁聳江皋。開樽晚對青蘋雨。倚劍秋生白苧袍。夏口東邊山月小。武昌西上楚雲高。醉來直欲騎黃鶴。接迹飛仙萬里遙。

槐陰草堂詩

雨後高槐初著花。綠陰門巷靜無譁。窗前亭午頻聞鶻。牆角新晴偶見蛙。十載優閒兼侍從。數椽質樸似

山家清風一室無人到。紗帽籠頭自煮茶。

寄張子俊

貝葉書成積滿函。茶瓜留客共清談。幾回淨掃鵝溪絹。綠水清山與吏酣。

雙溪流水

一逕綠陰清杏杏。雙溪流水碧迢迢。如何畫得溪中景。花映青山柳映橋。

金幼孜六首

幼孜名善。以字行。新淦人。建文己卯舉人。授戶科給事中。永樂初。改翰林檢討。入直文淵閣。歷侍講。右諭德。學士。進文淵閣大學士。洪熙初。拜戶部侍郎。加太子少保。兼武英殿大學士。進禮部尚書。宣德中卒。贈少保。諡文靖。有集十二卷。

頤菴集。金諡德。北征詩。詞雄句傑。遠揚天聲。如金鐘大鋪。震乎寥廓之外。

田按文靖與楊文敏。胡文穆。在成祖時。最爲親幸。征伐巡幸。嘗在左右。有句云。御前視草冰生硯。帳下題詩雪滿氈。又云。近苑獵回猶賜饌。行宮朝罷更題詩。文臣榮遇於斯極矣。

送熊元節還南京

熊君負經術。早歲登青雲。素承明主知。超擢中朝臣。繼聞陟大理。奉命專諮詢。風聲振吳越。次第甦疲民。

鋤奸去豪滑。剗凶格頑嚚。遂令東南郡。皞皞被皇仁。聖情日虛佇。屢勅嘉勞勤。三載積憂懼。馳情懸紫宸。及茲奏對日。款慰尤諄諄。申命職憲紀。榮光動朝紳。南臺旣專任。委寄眞殊倫。繡衣明白日。清霜肅陽春。豈惟戢貪墨。實以繩繆愆。況聞澄清地。表率由一身。惟君秉直諒。操履端且純。屹然重時望。所至揚清芬。蹇予忝朝列。交誼夙所敦。睽違渺南北。夢寢勞心神。幸茲諧盍簪。晤對逾兼旬。忽聞別我去。惻惻難爲言。驪駒發前路。遙瞻動芳塵。衣冠擁廣陌。絲管一何繁。握手且未辭。盡此黃金尊。人生會合間。百歲若轉輪。黽勉圖報稱。致身在君親。永懷保終譽。景仰希前聞。廬陵多達士。至今耀斯文。忠節著宇宙。千載垂不泯。曷哉踐古道。永矢期勿諛。

爲王侍講時彥題秋意圖

長天帶遠景。絕島含秋意。橋響客時過。竹深門獨閉。蒼煙迴蕭瑟。落日生迢遞。回首大江西。故山何處是。

春日隨駕北征次清河

萬乘統元戎。鳴鑾出九重。煖塵生輦路。晴雪照行宮。旗影西山外。笳聲落照中。書生懷脫略。須敵萬夫雄。

雲山草堂爲楊庶子賦

問道幽居近翠微。好山多與白雲齊。柳堂日煖花爭發。門巷春深鳥自啼。酒醒每從松下坐。詩成問向竹邊題。一從射策金門去。風雨年年夢建溪。

賦赤壁贈蕭長史用導之靖江

大江東去碧溶溶。水淨沙平接遠空。月下勝遊非舊日。眼中遺迹感英雄。猿啼斷岸孤帆雨。鶴淚滄州一笛風。料想登臨無限意。題詩還憶訪坡翁。

晚出長安門偶成

白髮麤麤老從官。籃輿自便懶登鞍。京華久住交遊少。惟有西山耐久看。

夏原吉一首

原吉字維喆。湘陰人。以鄉薦入太學。授戶部主事。坐事繫獄。仁宗立。復官。進少保。兼太子少傅。宣德五年卒。贈太師。諡忠靖。有集六卷。

四庫總目。原吉以政事著。不以文章著。然致用之言。疏通暢達。猶有醇實之遺風。

田按忠靖詩。懲質有味。諭饑烏云。饑烏來屋頭。軒然振雙翼。啞啞向我啼。其意欲得食。我行顧我廚。餘餽頗云積。足可療烏饑。盡與非所惜。緣以目前人。困乏動千億。況此所餘餽。粒粒出民力。我食尙懷愧。飼烏當不惕。饑烏勿此啼。山林有榛栗。藹然德人之言也。

小江垂釣

小江江水綠如酒。兩岸春風舞垂柳。老漁落魄一事無。三尺綸竿長在手。有時釣得縮項鮪。隨緣沾酒供餘年。不圖星辰動天闕。醉來卽藉羊裘眠。

黃淮一首

淮字宗豫，永嘉人。洪武丁丑進士，除中書舍人。成祖卽位，入直文淵閣，改翰林編修，歷侍讀、左庶子、進右春坊大學士，以事下詔獄。十年，仁宗卽位，復官，入內閣，進通政使，兼武英殿大學士。復進少保、戶部尚書。宣德初，以疾乞休，正統中卒。諡文簡。有省愆、退直、入覲、歸田等集。

四庫總目：淮文章春容安雅，與三楊體格畧同，集以省愆爲名，當患難幽憂之日，和平溫厚，無所怨尤，可謂不失風人之旨。翰林記：宣德初，大學士黃淮乞骸骨不許，固請始令歸田，養疾，賜楮鏹萬貫，陸辭加賜萬貫，旣歸，遂乞致仕。丁外艱，賜祭葬，以一品禮。淮入謝，賜遊西苑，召淮之子采從行，且特命乘肩輿登萬歲山，賜宴於山之麓。淮獻詩謝，上悅，比辭宴餞於太液池，親灑宸翰，製詩送之，給路費，賜織金紗衣一襲，且諭之曰：明年朕生日，卿其復來，如期至，上留之數月，乃辭歸去。

懷院中竹寄楊學士士奇

一別詞垣數月餘，娟娟修竹近何如。夢回還想林間醉，詩就誰從節下書。翠色凝煙春院寂，清陰籠月夜窗虛。料得同袍能愛護，平安莫遣信音疏。

翰林記：學士黃淮有憶院中竹寄楊士奇學士詩，今公署無竹，蓋南京舊院也。

黃福一首

福字如錫，昌邑人。洪武中以太學生授金吾前衛經歷，上書言事，超拜工部侍郎。永樂初，進尚書，改北京行部尚書，坐事下獄，謫充爲事官，未幾復職。安南平，以尚書掌布政按察二司事。仁宗卽

位召還兼詹事。宣德初，仍以尙書領交趾二司事。爲賊所執，旋送出境。還爲行在工部尙書。改戶部。又改南戶部。兼掌兵部。正統初，加少保。參贊南京守備機務。卒。官成化初，贈太保。諡忠宣。有集十三卷。

### 送人回廣西

海口春光早，沙頭柳色新。滿斟交趾酒，遠送桂林人。

### 嚴震直一首

震直名子敏，以字行。烏程人。洪武末，以糧長授通政司參議。再遷工部侍郎。進尙書。改右都御史。尋復爲工部尙書。致仕。成祖卽位，以故官巡視山西。至澤州病卒。有遺興集。

靜志居詩話：尙書由運糧萬石長，舉爲布政司參議。未之官，留署通政司事。歷工部尙書。洪武三十一年春致事。建文元年己卯，復以年老辭不與事。帝念其任事久，留住京師。考遺興集中有譏集賜第之癸心堂詩，乃是年三月十五日事。分韻者爲董學士倫，茹尙書瑤，高太常遜志，任尙書亨泰，程都御史本立，李尙書至剛，鄒庶子濟，黃侍郎福，張尙書統，高經歷德暘。凡十有一人。太常詩云：偉哉尙書公，致仕鳴珂里。賜第最幽敞，迥出埃塵裏。庶子詩云：尙書遂休致，賜第居京洛。侍郎詩云：司空居廟堂，憂國鬢如絲。挂冠神武門，賜第留京師。歷歷可證。而續藏書謂尙書歸老在里，長陵以兩馬夾袋昇至京，致身絲。又稱靖難兵起時，督餉山東，皆妄也。載攷文皇帝實錄：壬午七月二十三日詔云：朕居藩邸，凡百姓艱苦，靡不知之。數年來兵興，北方之民疲勞尤甚。朕所舉義者，爲宗社生民計。今宗社旣安，而北方之民未安。朕夙夜不安，乃命前工部尙書嚴震直，戶部致仕尙



書王鈍應天府尹薛正言等分往山東、山西、陝西等布政司巡視民瘼。何弊當革，何利當建，速具奏來。尙書受詔往山西。是秋九月十七日病卒於澤州公解。合之忠誠，伯茹瑋所撰嚴公神道碑，無異。初不聞奉長陵密詔，往雲南訪建文帝也。吾學編遜國表忠紀等書，不知何所據。信吞金爲實，列尙書爲後死忠臣之首。萬歷十九年巡按御史黃鍾疏請建祠，榜曰旌忠。列在祀典，越數十年，其裔孫祇字文昭作祠祀辨，大指謂吾祖功業炳燿史冊，何藉吞金一死以罔天下後世。黃公欲顯吾祖，適足以誣吾祖也。噫，文昭不欲誣其祖，可謂賢子孫矣。

田按尙書事蹟竹垞詩話考據極詳。詩綜錄尙書詩於洪武諸臣之列，義仍未允。今遵明史，列於永樂諸臣之次。

### 過李白祠

采石江邊太白祠，行人長說舊題詩。汶陽別後無消息，落月空梁入夢思。

### 張統一首

統字昭季，富平人。洪武中舉明經，爲東宮侍書，累遷試左通政，出爲雲南左參政，遷左布政使。建文初，召爲吏部尙書。成祖卽位，咎建文時改官制者，令解職，月給半俸。自經死，有鷗菴集一卷。

田按尙書官瀆有惠政，治行爲天下第一。史稱朝士董倫、王景、翟謫瀆，統接以禮意。余檢張適瀆池集，有尙書山行晚歸詩云：飛蓋追隨攜酒去，狂童嬉笑折花歸。令適續成之，頗稱好事。不僅以吏事見長也。尙書之死，鄭端簡吾學編黃泰泉革除遺事，尹直嘗齋戒綴錄等書，皆列於建文死事之臣。今檢明史，成祖入京師，錄中朝姦臣二十九人，統與焉。以茹瑋言，宥仍故職，無何，帝臨朝而歎，咎建文時之改官制者，乃令統解職務，懼自經死。古稱死有重於泰山，死有輕於鴻毛者，其尙書之謂歟。

### 登太華寺

連日登山意未闌。今朝又宿白雲間。簾幃寂寂香初爇。星斗垂垂手可攀。竹葉煮湯消夜渴。杏花留雨作春寒。碧雞且莫啼清曉。一枕華胥睡正安。

李至剛一首

至剛名綱。以字行。松江華亭人。洪武中舉明經。授禮部郎中。坐事戍邊。召爲工部郎中。遷河南右參議。建文中。調湖廣左參議。永樂初。以薦授右通政。進禮部尙書。兼左春坊大學士。降禮部郎中。以事繫獄十餘年。仁宗卽位。釋爲左通政。尋出爲興化知府。

田按至剛楊廉夫弟子。詩惜不多見。

嶽麓懷朱張

我謁朱張談道處。高明亭向湘江開。萬山香氣松桂合。半夜秋聲風雨來。白雲封蔽蟒蛇洞。碧澗響近赫曦臺。古迹宛然在我目。乘興題詩鐫石苔。

劉季篾一首

季篾名韶。以字行。餘姚人。洪武甲戌進士。除行人。擢陝西參政。建文中。召爲刑部侍郎。永樂初。坐事下獄。尋以儒服隸翰林編纂。授工部主事。

樂靜爲謝庭循賦

至理本虛寂。真源抱冲素。若人事幽討。真心隨所寓。離家雁宕雲。聽鶯上林樹。朝陽射筆劄。清風生禁籞。得意偶自適。玄靜復誰語。鄉心越上山。詩夢青原句。幽禽嘯翠岑。岩花泣朝露。欲結靜中鄰。山深雲碧處。

葉砥一首

砥字履道。上虞人。洪武辛亥進士。除定襄縣丞。坐累謫涼州。建文初。以薦授翰林編修。出爲廣西按察僉事。永樂初。以史事被逮。尋起爲吏部郎中。改饒州知府。有芝山、退朝、鑾坡、溪居等集。

雨窗雜寫

僦屋西溪溪水西。避喧暫爾託幽棲。人家茶竈烟生竹。野店酒帘風滿隄。花片減春隨雨落。鳥聲拂曙隔林啼。輞川曾記王維畫。錦里慚無杜老題。

姚友直一首

友直字□□。蕭山人。洪武□□進士。授中書舍人。改翰林侍書。永樂初。進洗馬。左春坊左庶子。出爲雲南參政。領滕府長史事。宣德初。召爲太常卿。

鎮江舟中食魚

金陵城中住七月。客居無地憐彈缺。扁舟九月出城東。大江秋水如白虹。揚帆南下一千里。江上人家漁作市。大魚頭尾長過人。壚頭香壓梨花春。魚賤可食酒可飲。萬事盡付邯鄲枕。

應謬一首

謬字尙節。黃巖人。建文己卯舉人。永樂中。用薦爲谷府教授。坐事免。

綠陰清畫圖爲桂衡先生賦

湘水東偏灌木稠。小齋新築擅清幽。繁陰匝地不知午。涼氣襲人渾似秋。風度每驚蒼雪墜。日移時訝碧雲流。何時寫向丹青裏。拂拭令人憶故邱。

周宗璉一首

宗璉字景琰。臨海人。洪武中以貢授禮部主事。永樂初。出爲興化知府。

田按景琰守興化。有惠政。郡中名勝。多留題詠。

囊山寺

巨崖忽墜清溪潄。嶄然上擁深樹林。地險久無斤斧入。生自何年傳至今。山中怪奇不可數。似與人間異風土。古根寒漱百道泉。鐵幹高排九秋雨。金風昨夜吹扁舟。有客不歸心悠悠。喚童解衣換美酒。晚來獨酌溪上樓。隔溪野火明復沒。老僧囊頭堅不出。若人豈是知禪宗。羨爾平生有仙骨。我生於世無所求。閒來便作山門遊。山中猿鶴不相訝。水飲巖栖終白頭。

• •

10

# 明詩紀事卷五

## 乙籤

陳垣十首

輿字廷器。東莞人。洪武丁卯舉人。除桂林教授。遷國子助教。永樂初。知許州。改滁州。尋以揚州知府攝州事。擢四川按察使。入爲南通政使。掌國子監事。終禮部侍郎。有琴軒稿三十卷。

抑菴集。陳公文詞典重。人愛之如拱璧。

梁崇善。廣東詩粹。黃才伯云。琴軒當永樂初。鋪張朝廷盛德。爲平安南。巡狩平羌。三頌及饒歌鼓吹曲十二首以獻。文皇覽之。大加稱異。以滁州守超擢西蜀憲史。文人遇主之隆。論者以比相如奏賦。殆有過之云。

屈大均。廣東新語。明興。東莞有鳳臺。南園二詩社。其詩頗得源流之正。琴軒陳公。嘗錄自宋元以至國初。爲保安詩錄。田按侍郎詩。詞格俱精。天然秀拔。

楊白花

楊白花。隨風飛去落誰家。美人沈思抱幽怨。連臂踏歌情戀戀。江南江北春茫茫。何不仍飛歸洛陽。

白紵詞

舞白鼻。歌白紵。纖腰皓齒東隣女。清聲裊雲情縷縷。郢中白雪何足數。涼風蕭蕭雁南翔。玉顏滿堂樂未

央。此舞此歌那可忘。

遊惠山

泛舟過梁溪。芙蓉水初冷。折芳渡遙澗。訪竹緣修吟。飄然陟崇崗。遠目時一騁。川原入遐矚。一一意先領。虛壑度松聲。陰崖落雲影。秋草荒歷山。露葉垂舜井。湛陸宅久墟。榛翳道全梗。訪古情彌切。懷賢意方永。下尋漪瀾堂。因訪招提境。埽地焚名香。汲泉試新茗。頓覺心源清。豈徒勞務屏。重期望太湖。飛步登絕頂。

瑯琊古剎

開化古蘭若。乃在瑯琊山。樓閣倚霄漢。丹碧炫巖巒。鐘聲度幽壑。幡影落空潭。昔聞琛粲翁。巢居白雲端。折葵事清齋。煮茗供晚餐。冥坐悟禪寂。不知芳歲闌。

遊瑯琊開北寺二首

環滁皆名山。瑯琊擅幽勝。雲霞紛卷舒。泉石互相映。維時春載陽。日出天宇靜。禪宮凌紫霄。虛壑度鐘磬。逍遙者誰子。抱琴候蘿逕。相逢共忘言。頗領此時興。茲山信靈異。地勢復高爽。清風韻金鐸。晴日麗銀榜。鶴歸幽林動。魚躍寒潭響。娟娟紫蘭秀。曄曄玉芝長。尙羊極幽討。足愜平生想。抽思託素毫。方期重來賞。

菱溪夜雨

菱溪浩瀾漫萬頃同一色。新漲涵綠莎。寒光浸苔石。浮雲結暝陰。倏覺溪水黑。入夜風雨來。蕭騷聲轉急。菱歌淒以斷。漁唱坐來寂。劉金宅久荒。空滋土花碧。

六月五日致齋龍潭精舍

靈湫湛泓渟。神宮極虛敞。下有龍所棲。雲氣日來往。疏林過新雨。臺榭脩清爽。山色晴更幽。泉聲靜逾響。徘徊縱良覲。足愜平生想。安得長此居。坐看玉芝長。

會同館對雪

新陽力猶微。陰氣尙鬱結。昨宵風雨來。吹作瑤空雪。芳姿飛玉塵。虛簷落冰屑。軒墀肅且靜。對此更奇絕。寒光耀文窗。素色映華棧。錦帳氎氎溫。醉面生綺纈。每念沙場人。衿裯冷似鐵。

多景樓

獨倚闌干久。涼風滿客衣。樹從京口斷。山到海門稀。雁影橫秋色。蟬聲送夕暉。蕪城纔咫尺。樓堞望中微。

錢仲益六首

仲益名允升。以字行。無錫人。元末中浙江鄉試。爲杭州路錄事。洪武末舉明經。爲本縣訓導。建文中以薦入爲太常博士。遷翰林修撰。永樂初改漢府長史。有錦樹山人集八卷。

都穆談纂無錫錢仲益。洪武末爲本縣訓導。後以御史薦入爲太常博士。與修高帝實錄。升爲翰林修撰。卒於漢府長史。後漢



府謀叛事敗。帝閱其啓。大加賞歎。其家得免於難。

盛明百家詩。錦樹兼善寫生。所題圖畫。人以左手跡驗之。

田按詩綜。稱仲益爲周府長史。余檢錦樹山人集。有奉令作戰馬歌云。王師奉天命。南征下江淮。乘之大小七十戰。南衆望風先已摧。屹然當陣如立壁。猛氣凌空勢無敵。仰天奮迅時一鳴。萬馬震驚皆辟易。曾著六矢不動身。其鋒銳若雷將軍。又有奉令作大將軍八面威風歌云。身居玉帳臨三軍。牙旗雙立開轅門。周圍森擁百萬甲。劍氣射落秋空雲。考明史成祖起兵。漢王高煦從。常爲軍鋒。成祖屢瀕於危。轉敗爲功者。高煦力爲多。正與仲益奉令所作詩意合。周王橚成祖起兵時。已爲建文帝副之京師。安得有奉命南征事也。後又檢都公談纂。得所謂仲益卒於漢府長史者。與余言合。益信竹垞周府之說。非其實也。仲益身事驕王。必有如古所謂。以詩三百篇諫者。一時賢傅所當表章其事。以補史闕。其詩風格老成。在三華中。當爲巨擘。仲益有奕棋詩云。我老無所好。所好惟奕棋。每遇對手時。竟夕不告疲。不惟忘憂樂。甯復知飽饑。方當得意候。如病逢良醫。又如好飲人。妙趣祇自知。仲益待詔禁垣時。成祖呼爲棋仙。此亦翰苑一段佳話也。

### 爲王紀善賦獨秀山房歌

樊川自昔佳山水。一峯獨秀空中起。亭亭削出碧芙蓉。影落太湖三百里。金堂玉室闕洞天。茲地往往生才賢。山川清氣有鍾屬。豈獨幽勝儲靈仙。樊川高士王夫子。結屋深棲白雲裏。雨晴嵐氣滴硯池。日煖松陰流棐几。棲遲泉石臥煙霞。百年詩禮猶傳家。行人錯認武陵道。春風夾岸開桃花。前年徵書催赴闕。勅輔親藩事朝謁。相隨五載到京華。祇有山房舊時月。丈夫出處各有時。故山猿鶴何由知。讀書致用在明世。山靈莫誦鍾山移。

送孟用賓服闋赴京

太湖五月南風起。高浪駕天三百里。孟侯詞翰捲波濤。浩瀚汪洋勢相比。君侯自是忠孝家。垂助史冊生光華。前朝賜書今尚在。故老往往能傳誇。湖州府君耽隱計。結屋西山官早棄。我爲兒時常拜之。父祖通家已三世。後經喪亂兵燹餘。踪跡竄走無甯居。爾翁起家贊分閫。磨墨盾鼻揮軍書。我客山陰偶相接。舊約新知兩相愜。酒船看盡鏡湖花。雨床聽落稽山葉。此時君家在吳下。世故紛紛若奔馬。向來俛仰二十年。感念存亡淚成把。大明撫運開文明。搜羅俊良濟治平。寸長小善率見錄。詎使草野遺賢英。君抱瓌才負奇氣。妙年卓犖青雲器。未容濁水掩摩尼。終見天池產騏驥。薦書蜚聲達九重。翻然獻賦蓬萊宮。朝陽初升海色動。獨有孤鳳鳴梧桐。紫皇峩我坐南面。臚傳遠下麒麟殿。曉隨龍杖拜楓宸。夕縮魚符宰花縣。三年奏績功最優。風行百里如傳郵。進登王官佐藩邸。坐令曹府生清秋。應教金闈侍玄室。責難陳善操直筆。才欺梁客兔園詞。道黜淮南鴻寶術。前年辭官出國門。執喪暫住陳家村。我從南歸始相見。知君乃是湖州孫。共談當年結交意。出處不同榮辱異。我甘衰謝君壯年。不使形骸隔心志。今年制服當告終。鶴書催上浮雲聽。州家申名選家擬。鴻毛一舉隨天風。我昔蒙恩忝微祿。孤忠未展身先覆。十生九死許還鄉。甘旨家貧常不足。送君去去何當還。手攀落木捫天關。丈夫雖云四方志。依然離別傷心顏。我困泥途已頭白。君上雲霄生羽翮。莫辭執手尙躊躇。從此雲泥兩相隔。

丁亥除夜懷黃生

絕域投荒客。窮陰欲雪天。今宵又除夕。何日是歸年。孤燭三更夢。空江萬里船。老懷甯再見。撫景一潸然。

賦得七星岩送曾侍讀使安南

岩在肇慶府端溪出硯處

迢遞交州路。風流翰府人。詔頒金殿曉。香散玉堂春。疏爵綬遐壤。掄才選近臣。慶逢千載會。化浹萬方民。捧册嚴將命。乘槎遠問津。周行馳驛騎。法象動秋旻。使節過南海。鄉心望北辰。擬投岩下硯。那受橐中珍。文采昭雲漢。聲華動搢紳。帽花珠孔雀。衣飾錦麒麟。重譯宣天語。諸蕃感帝仁。龍杓回指日。歸奏覲楓宸。

和王孟端韻

蕭蕭兩鬢點吳霜。老去思歸客夢長。只有九龍山上月。夜深來照讀書堂。

畫竹

湘波迢遞楚雲凝。欲寫幽懷寄刻藤。憶在玉堂同夜直。滿簾霜影對秋燈。

鄒緝一首

緝字仲熙。吉水人。建文庚辰進士。除星子訓導。永樂初。遷翰林檢討。進左春坊左庶子。有素菴集。

殿閣詞林記。永樂十三年六月。親征瓦剌。于撒里怯。又北之于土刺河。八月。駕還。庶子鄒緝獻清邊頌。

書史會要。鄒緝自號素菴。精楷書。

翰林院齋宿聽琴詩

禁直夜迢遞。齋居澹無爲。同心聿來集。良友具在茲。懽言適嘉會。秉燭坐彈碁。華月照虛牖。微風動綺幃。上客發幽興。援琴揮素絲。一彈孤鶴舞。再鼓心神怡。清商旣激烈。雅調亦舒遲。秋鴻淚遠空。猗蘭芳葳蕤。俯仰極餘韻。邈與高山期。燕賞亦云洽。傾耳遂忘疲。沈吟永終夕。逍遙起遐思。仰觀庭戶間。爛然明星垂。旭景不知曙。永言歌此辭。

墨緣彙觀。王紱齋宿聽琴圖。白紙本。中挂幅長三尺七寸九分。闊一尺四寸八分。中心四週烏絲。界一方欄。徑九寸。內水墨寫。虛堂煙月。翦燭鳴琴。其松竹坡石。筆墨蒼潤秀逸。爲孟端佳作。左下押孟端王氏白文印。烏絲欄外右下角。自題五言長詩一首。款無錫王孟端下押九龍山中道士孟端。白文印。紙首上一段。畫烏絲界行。鄒緝撰序。楷書精工。前書翰林院齋宿聽琴詩序。其序云。永樂三年春正月丁未。上將祀南郊。警戒羣臣。致齋三日。百官旣受警。各就宿別館。於是侍讀曾公日章。修撰錢公仲益。徐公孟昭。檢討蘇公伯厚。沈公民則。暨無錫王公孟端。與予凡七人。皆會宿於翰林之公署。於時天宇澄霽。月色清朗。諸君子相與秉燭。坐於公署之東偏。或奕棋。或賦詩。或談說古今。辨論人品。賢否得失。亦雜然而並舉。然皆以爲此雖君子之所樂。而未足以極一時之歡也。沈公故爲雲間人。善鼓琴。其傳得之於其郡人劉仲禮。前數年間。仲禮以善琴聞當時。沈公蓋得其妙。因請鼓之。沈公欣然就坐。爲作商調數引。舒徐安適。疏越和暢。其淳古淡泊。若有三代之遺音。其清厲激烈之思。若孤鶴宵唳。高崖瀉泉。而餘音鏘然震發也。坐者聽之。莫不爲之心暢神怡。有不知夫邪慢之氣之去其體者。然後知琴之爲妙。不特可以爲君子之至樂。而又足以蕩滌人之私慮也。此古之君子。所以無故琴瑟不去於前歟。昔三代學者。於詩書六藝之教。以樂爲治心養性成德之本。未嘗一日舍之而不習。故其息焉遊焉之際。必取適於琴瑟之間。所以和悅其心志。動盪其精神。

且以是爲文武張弛之道。則琴之爲用。固非苟悅其音聲之謂也。今諸君子獲爲斯會。而樂其心於是琴。豈非幸之至者歟。夫君子會而能樂者。旣難。樂而得之所以樂者。又難。琴雖予未有暇學。而心竊好之。況又爲諸君子之所同欲者乎。乃相與分韻賦詩。以記述其事。且要孟端爲之圖。而予僭序其端云。翰林侍講承直郎廬陵鄒緝撰。下押范陽世家鄒緝仲熙印。二印皆白文。前首有尙友齋白文小長印。下有幼蒙白文小方印。又燕山曾日章。番禺徐旭。錫山錢仲益。三人排書。各五言長詩一首。曾錢二人皆端楷。徐旭篆書。俱佳。畫右鄒緝又楷書題五言長詩一首。款廬陵鄒緝。畫左烏絲欄。蘇伯厚楷書。題五言長詩一首。款建安蘇伯厚。下曾榮題七言長詩一首。楷書類宋克。款江西曾榮。又廬陵周孟簡。沈度。五言長詩各一首。周書行楷。沈書隸。古諸題皆有印章。因其繁多。未及全錄。

石渠隨筆。王敏齋聽宿琴圖。軸畫七人雜坐。乘燭橫琴。庭軒月色。掩映竹樹。此蓋永樂三年正月。南郊諸公。齋宿翰林院者。侍讀曾日章。修撰錢仲益。徐孟昭。檢討蘇伯厚。沈民則。王孟端。鄒仲熙。共七人。鄒仲熙作詩序。彈琴者爲沈民則。幅內諸人皆題詩。惟民則無詩。其不在圖內。而題詩者。又有永豐曾榮。吉水周孟簡二人。此可補一則翰林典故也。

田按安氏墨緣彙觀。所紀與石渠隨筆。小有不同。考明人倡和圖。凡在列者。家有一軸。此齋宿聽琴圖。人間合有數軸。詳略不同。不足怪也。恭讀高宗純皇帝文集。安氏書畫。乾隆年間。多人內府。此軸當別是一本。今將諸公詩可考者。並錄於此。蘇伯厚詩云。玉署宿齋居。盡贊諸素約。坐中有鳴琴。宮商時間作。波澄楚江秋。露下九皋鶴。流泉響幽澗。籟籟起寥廓。維時雨初霽。微月映疏箔。鑪薰輕煙裊。燭花紅燼落。春風送餘寒。夜久覺衣薄。清談雜今古。亦足資一噱。相對竟忘眠。更取茶甌瀹。雞鳴整朝冠。長鐘動高閣。錢仲益詩云。聖皇重郊祀。聞戒恆兢兢。齋宿玉堂署。共集金蘭朋。談柄方麇麇。爰煌燦華燈。今夕復何夕。同此瀛洲登。聽鼓綠綺琴。拂拭朱絲繩。初如鳴岡鳳。嚶嚶日初昇。又如幽澗泉。冷洽瀉春冰。杳渺不可狀。掩抑情何勝。虞歌悵旣遠。襄教亦莫徵。知音無高士。絕調沈廣陵。寥寥太古音。千載誰復能。若人抱奇才。令譽衆所誦。下指發妙意。於何得師承。況今文明運。禮樂方當興。以茲茲歌化。至和庶其凝。嗟予臨老大。世紛非所膺。忽聞陽春曲。坐使煩襟澄。于時春風微。夜寒襲青綾。曲

罷殘月落餘暉轉。觚棧分題紀佳會。用以書刻藤。

### 王璉十首

璉字汝玉。後以字行。長洲人。立中子。洪武中。舉浙江鄉試。以薦攝府學教授。改應天訓導。永樂初。擢翰林五經博士。遷右贊善。坐事當戍邊。宥之。除翰林典籍。進左贊善。坐解縉累。下獄死。洪熙初。追贈太子賓客。諡文靖。有青城山人集八卷。

四庫總目璉詩音節色澤皆合古格。

姑蘇志汝玉嘗與學士解縉應制撰神龜賦。汝玉第一名。大振爲文兼古今體製。而賦尤瞻麗。詩語雋永。得唐人風格。

畫史會要王汝玉能書亦能畫。

田按長陵與解大紳評論人才。大紳稱汝玉文翰不易得。信非虛語。汝玉詩沐景頤錄入滄海遺珠。豈洪武間亦嘗遊演耶。

### 秋夜懷沈秀才

螢栖衰葦寒。月歛疏蘿暝。羈懷悄無權。臥背風燈影。露冷葉聲翻。更深人語定。欲取孤桐彈。惆悵誰能聽。

### 送別

綠水灑汀洲。風起江南秋。煙波有孤客。關河生遠愁。遠愁那足說。借此芳草歇。日暮澹忘歸。蘋花悵難擷。  
爲朱仲昂題薛澹園竹

我家昔住吳山麓。遠屋曾栽萬竿竹。如今見畫卻題詩。憶在山中春雨時。暮雲作團飛不起。空翠滿衣秋。

欲洗何當重埽石床眠。一任露華涼似水。

題畫

疏煙帶平野。閒花落空林。雞聲在何許。人家春樹陰。將尋邱中侶。諧此塵外心。幽期儻云遂。甯惜露沾襟。

答山中見示韻

鶯歇江鄉杜宇悲。故人西望久乖離。夢因春盡歸常切。書爲山深寄每遲。疏雨林邊尋古碣。夕陽嶺下謁叢祠。匆匆已負瑤華約。別有西風桂子期。

雲林畫

羣樹葉初下。千山雲未收。空齋門不掩。禁得幾多秋。

林塘佳趣

自脫荷衣別五湖。秋風幾度惜蓴鱸。玉堂酒醒青綾薄。空憶林塘舊釣徒。

題倪元鎮畫荆溪清遠圖

銅官山下縱清遊。每爲殮松十日留。吹斷玉簫人去久。暮雲空鎖洞庭秋。

山行

蘿蔦陰中是幾家。青山數轉到門斜。桃源祇在雞聲裏。不用緣溪認落花。

題畫

渡頭初唱采菱歌。南浦西風漲綠波。正是晚涼新雨後。青山不似白雲多。

王洪二首

洪字希範。仁和人。洪武丁丑進士。授行人。永樂初擢吏科給事中。改翰林檢討。歷修撰。侍講。左遷禮部主事。有毅齋集八卷。

四庫總目。洪預修國史。會大臣欲載其家瑞異。入日歷中。洪持不可。至聞於成祖前。坐謫禮部主事。曾樂輓洪詩。所謂玉堂分職見孤忠。卽指是事。毅齋集文皆樸雅。駢體亦工。詩尤具有唐格。

田按。修永樂大典時。諸儒羣集。有凡例未當者。王孟揚曰。譬之欲構層樓華屋。乃計工於籬桶都料。得不有誤耶。孟揚矜已凌人如此。顧折節於希範。不敢與雁行。希範與汝玉孟揚。達善。同以詩鳴。號爲翰林四王。其左遷禮部主事也。或謂與胡文穆議五星不合。遂爲所擠。與四庫提要所紀。稍有不合。

送金生歸江南

朔雲千萬里。歸興復如何。鴻雁雨中去。蒹葭霜後多。人煙投遠戍。驛路出長河。惆悵東橋別。涼風起暮波。

舟行雜興

曠野杳無際。孤舟齊魯間。河流東下險。天氣北來寒。古道蒼煙迴。長亭落照閒。微茫雲水外。一點見梁山。

王達三首



達字達善。無錫人。洪武中舉明經。爲大同訓導。以薦遷國子助教。永樂初。擢翰林編修。遷侍讀學士。有問津南歸。天遊梅花百詠等集。

田按學士七絕。風骨戾削。殊堪矜賞。

題瓶梅

孤山堂下玉層層。幾度尋君策瘦藤。折得一枝香滿榻。半窗斜月帶殘冰。

題倪元鎮畫和鄭明德韻

土苔凝綠上松根。前輩空留翰墨存。寂寞雲林堂下路。一峯殘雨映孤村。

初夏題孟叔敬先生隱居

鶴鳴風起竹飈颺。細簾平鋪翠欲流。五月浩然亭上坐。一簾涼雨梓花秋。

王景三首

景字景彰。以字行。松陽人。洪武壬子舉人。授懷遠教諭。擢開州知州。累官山西參政。以事謫雲南。建文初。召入翰林。用薦除禮部侍郎。兼侍講。成祖卽位。進學士。

田按景彰洪武中。以浙江布政使安然薦。直翰林。製藩王朝覲儀。改賜日本書。作樂章。與京城鐘鼓樓記。黃才伯翰林記。但述永樂元年。詔侍臣議作樂章。學士王景等擬述以聞。知其一不知其二矣。景彰謫雲南。沐景頤錄其詩。入滄海遺珠。玩其所作。亦當時才士也。所擬樂章。已具錄首卷。

題江南秋晚圖

十年不踏錢塘路。江上晴煙渺輕素。并刀誰翦秋半簾。夕陽正在西陵樹。對之便欲發浩歌。西風蕭蕭水增波。胥濤已入亂山去。木落臺空幽思多。

新春偶成

南來憔悴演陽客。每向年光感去留。萬里歸心背殘臘。五更清夢落神州。刺桐花發東風早。垂柳條長宿雨收。便欲題詩散伊鬱。瀘江風浪拍天流。

題畫馬

天上房星燭地寒。峻嶒駿骨落人間。如今紙上空形影。苦憶秋風十二閑。

蘇伯厚三首

伯厚名埤。以字行。建安人。洪武中以薦授建甯訓導。遷晉府伴讀。永樂初。擢翰林侍書。遷檢討。有素履齋集。

田按伯厚詩不多見。竹垞稱其五言有魏晉風。余從武夷山志得其七絕三首。

幔亭峯

隱隱虹橋隔彩霞。空餘猿鶴怨年華。回看滄海須臾事。試問曾孫有幾家。

仙館巖

峭石丹青畫不如。滿山琪樹學堂虛。人間比歲多荒歉。好借琅函辟穀書。

仙釣臺

仙子何年把釣竿。古臺依舊勢巔峘。嚴陵老去能遊此。不住桐江七里灘。

曾烜一首

烜字日章。以字行。吳江人。洪武間。以歲貢授黃陂知縣。考最擢翰林侍讀。永樂中。與修永樂大典。再使交趾。卒於富良江。

送許州太守陳瑗之任

華星隱廣川。驚颿散高樹。故人暫離羣。跨馬之官去。隔浦聞疏鐘。明朝在何處。

黃守一首

守字約仲。以字行。莆田人。永樂中。以薦授翰林典籍。遷檢討。乞終養。改汀州教授。有靜齋集。

鄭岳莆陽文獻。黃約仲永樂間。以楷書選赴行在。預修書。詞臣有薦其能詩者。試中優等。授翰林典籍。升檢討。約仲詩語意清婉。音調和適。至今人傳誦之。

關陵詩話。靜齋在翰苑二十年。乞終養。授汀州教授。其詩五言如雙樹映寒澗。一燈明翠微。七言如黃沙白草雲隨馬。畫戟雕戈雪照營。猶見唐人風格。

秋山行旅圖

吳煙越樹共依依。候館驚心一雁飛。三徑秋荒芳草盡。亂山人向故關歸。碧雲拂曙迎征旆。黃葉從風點客衣。聞道滄浪多應詔。明時莫遣宦情微。

吳溥一首

溥字德潤。崇仁人。建文庚辰進士。授翰林編修。永樂初。遷修撰。改國子司業。有古崖集。

捕魚圖

官河雨後春水渾。夾河兩岸皆漁村。捕魚但願魚課足。風波雖險甯復論。大魚無多趁時賣。小魚連船賤如芥。漁郎捕魚莫願貧。官河魚米朝朝新。

趙狝一首

狝字雲翰。祥符人。洪武丁卯舉人。授兵部主事。歷員外。出爲浙江參政。永樂初。命使交阯。還擢刑部侍郎。改工部。復改禮部。進本部尚書。改兵部。再改刑部。有倉父集。

雪

散漫隨風舞。回旋體態輕。樓頭秦弄玉。天上許飛瓊。皓鶴來時誤。昏鴉點處明。喜看三白兆。臚瑞協昇平。

高得陽四首

得陽字孟升錢塘人。洪武中以薦授臨安教諭。遷高州教授。永樂初改宗人府經歷。有節庵集。  
次崔原搗書懷韻

簾捲東風楚雨斑。高堂靜坐一春閒。不愁明月隨流水。常怪浮雲占好山。乘興自能過竹所。問奇誰擬叩松關。哦詩卻憶崔斯立。溪上扁舟幾日還。

題扇面小景

煙柳含春色。汀花媚夕暉。白鷗無住著。閑送釣船歸。

溪亭小景和蔡長年韻

臨水松篁覆小亭。看書終日挹清泠。抱琴童子來何晚。彈與魚龍月下聽。

訪胡宗善

喚渡長堤倚夕陽。君家正住錦溪傍。東風昨夜山中雨。流出碧桃春水香。

鄭本忠三首

本忠字本忠。鄞人。洪武中以薦爲昌國訓導。遷秦府教授。永樂初仍故官。有安分齋集十卷。

田按安分齋集。四庫錄入存目。胡文學輯甬上耆舊詩。謹錄本忠一詩。蓋未見斯集也。

題卓民吉山水

雲臥金峨白。山登玉几青。老來時見畫。少日謾曾經。詩屬林僧和。琴同木客聽。披圖追往事。幽思入青冥。

題竺宗武所藏墨竹

誰寫脩脩碧玉圖。冰梢霜幹墨模糊。扁舟忽憶湘江晚。烟雨微茫聽鷓鴣。

題畫梅

老來慣識冰霜苦。一見梅花如故人。何事西湖林處士。年來不寄一枝春。

8

9

10

11

12

13

14

15

# 明詩紀事卷六

## 乙籤

王紱十六首

紱字孟端。無錫人。洪武中。徵至京師。尋坐累。戍朔州。永樂初。以善書供事文淵閣。除中書舍人。有友石山房稿五卷。

四庫總目。紱博學工書畫。所作山水竹石。風韻瀟灑。妙絕一時。說者謂可繼其鄉倪瓚。其詩雖結體稍弱。而清雅有餘。蓋其神思本清。故雖長篇短什。隨意濡染。不盡計其工拙。而擺落塵氛。自然合度。

儼山集。國朝墨竹。最擅名者。金陵王孟端中書。婁江夏仲昭太常。婁江出於金陵。其後略變。然瀟灑絕俗。中書爲多。精神氣力。太常亦自能到。

匏翁家藏集。畫家惟墨竹。頗寓書法。近時得其妙者。莫過於毗陵王孟端舍人。

弇州山人四部稿。孟端竹爲國朝第一手。有石室居士梅花道人遺意。而清標高格。又似過之。余嘗記其二事。其一。沐黔公行金帛。求孟端畫。謝絕之。後忽作一幅。遺其僚。素厚黔公者。使致之。曰。姑以是塞公意。毋言我爲公也。其三。月夜聞鄰笛。乘輿畫幅。竹訪遺之。其人乃大賈。甚喜。具蛇絨文綺各二。求孟端一配幅。孟端卻其幣。手裂畫壞之。湖山佳趣一卷。初閱之以爲黃鶴山樵也。清思直撲人眉睫間。應接不暇。至題尾。知爲九龍山人王孟端。孟端在永宣間。聲價不下黃鶴山樵。今來漸寂。然使



有眞鑒賞者。而知其胸中富邱壑也。吾東吳菰蘆人。步武之外。皆卷中境界。晚途復作吏。不覺自遠。聊置此卷案頭。於春明退朝之暇。時一展看。不令矜裾煙霞色盡也。卷初屬陸太宰。時乞李文正篆額。吳文定題字。邵文莊作歌。其爲名士所推如此。李日華恬致堂集。孟端寫竹。於倪徵君。柯博士。兩家斟酌多寡濃淡而爲之。是以有倪之逸。無其疏野。有柯之雄。無其伉浪。六研齋二筆。王孟端贈黃叔洪山水一幀。用筆精到。超出幼文天游之上。而與叔明並駕。平生所絕少者。耐軒居士王達一詩亦佳。詩曰。萬古山川一鑑開。層層曲曲見樓臺。雲隨曉月峯前墮。鷗逐春溪樹裏來。兩岸落花人蕩槳。半汀殘雨客銜杯。寰區何處有此地。物外四時無點埃。豈但右軍多筆法。要知黃石是仙才。奔灘觸浪非頑鯉。絕壁凝嵐護翠苔。玉室金堂疑太華。紫芝瑤草憶蓬萊。相看六月不知暑。一榻清風眞快哉。

無聲詩史。孟端自號九龍山人。又號友石生。志氣高逸。工古詩歌。尤善山水石竹。每酒酣對客。著黃冠服。意氣傲然。伸紙撰袂。揮筆灑灑。奇怪跌宕。不可名狀。畫已徐吟五字詩。蕭然有風人之致。

因樹屋書影。王孟端詩畫雙美。近見其詩集百餘篇。聲律不在高楊。張徐之亞。如舊業暫歸翻似客。異鄉重到卽爲家。通仙嘗得懸靈術。遺世聊存荷鮪風。草色池塘看細雨。杏花簾幙動輕寒。鳥從萬木陰中響。人在亂山深處行。皆意新而調逸。不獨筆墨工竹石而已。

田按九龍山人畫品超絕。詩亦別有風趣。稽錄其矜練之作。如讀一幅著色雲林畫也。

### 雨中過歐陽編修館題竹木畫上

我生本寂寞。況茲久羈旅。偶君素心人。來往迭賓主。秋聲動高樹。暝色渺煙渚。孤館坐題詩。蕭蕭正風雨。

### 訪陳羽士道甯因贈

我生樂夷曠。幽抱常沖虛。偶客京華塵。不異林泉居。時來訪仙侶。相與論道書。凝神入無象。妙觀天地初。物我既莫立。熟謂形迹拘。吹笙碧桃春。天風動霞裾。孤雲度碧落。六合乃吾廬。出門感羣動。役役將何如。爲游伯環題靜觀卷

羣動日擾擾。何由止露煩。我心一以靜。庶或澄其源。天高四山寂。日落孤雲鶩。至理無不在。朝市同邱園。君應領斯妙。吾亦忘吾言。

送松溪宰周景辰調連城

君從松溪來。又復連城去。宦游若漂萍。流轉那能住。百年多遠別。握手幾權遇。況茲當暮齡。幽抱復難慰。都門一杯酒。回首知何處。天南與天北。相思渺雲樹。

題畫

衡門掩秋色。苔徑淨無塵。人迹雖罕至。簡編良可親。修篁度涼颼。高梧落繁陰。時應散幽寂。采藥過中林。過華叔端草堂寫晴竹於壁上

我愛君家遠城郭。透檐竹色侵簾幙。醉中揮灑寫晴梢。湘雲一翦春陰薄。看來頓覺風氣清。耳邊恍若聞秋聲。嘯歌到晚不歸去。高臥翠陰呼月明。

題畫

結屋千山萬山裏。軒窗四面峯巒起。捲幔晴招嶺上雲。烹茶夜汲巖前水。二三高人同素心。杖藜時復來幽林。抱琴相延坐亭上。一曲雅諧山水音。屋頭隙地肯相許。願作比鄰共遊處。賸採松花釀玉醪。更覓黃精斲春雨。

野航

踪跡渾無定。生涯一葦輕。自應耽野趣。無復重浮名。汀草斜陽晚。鷗波細雨晴。不因時賣卜。那肯泊江城。

寄潘子安

潘郎豪且逸。佐郡上瞿塘。縱酒官情薄。耽詩野興狂。才名雖藉甚。家業已荒涼。聞說喬公女。鴛鴦瑣洞房。

田按子安爲夔州同知。余既據明風雅。敘之於子安仕履下矣。今得孟端寄子安詩云。潘郎豪且逸。佐郡上瞿塘。佐證益明。又檢洪武實錄。十八年以沔陽衛指揮僉事潘進。爲雲南右衛指揮同知。進和州人。子安其猶子也。張子宜有送子安歸沔陽序。向疑子安和州人。何得云歸沔陽。今乃知其隨進宦遊。因流寓沔陽也。補錄於此。子安名仁。詩別見甲籤二十卷。

爲劉竹深題雲山圖

白雲縹緲山嵯峨。幽人茅堂巖澗阿。玉田瑤草煖煙碧。落花流水春風和。采松釀酒正堪醉。掃石弄琴還自歌。何當結鄰成兩叟。杖藜日日頻相過。

題眞上人竹茶爐

僧館高閒事。事幽竹編茶竈淪清流。氣蒸陽羨三春雨。聲帶湘江兩岸秋。玉白夜敲蒼雪冷。翠甌晴引碧雲稠。禪翁託此重開社。若個知心是趙州。

邵寶容春堂集。洪武壬午春。友石公以病目。寓惠山聽松庵。目愈。圖廬山於秋濤軒壁。其友潘克誠氏往觀之。於是友石自湖州至。庵僧性海與友石以古制命爲茶爐。友石有詩詠之一時。諸名公繼作成卷。永樂初。性海住虎邱。留以爲克誠別。蓋在潘氏者六十餘年。成化間楊謨孟賢見而愛之。撫玩不已。潘之孫慨然曰。此豈珍於昌黎之畫。而吾獨不能歸諸好者乎。乃以與孟賢。孟賢卒之三年。秦方伯廷詔以郡守報政。還自武昌。遂爲僧撰疏語。白諸孟賢之兄孟敬。取而歸焉。吾聞諸東耕翁云。田按聽松庵竹爐。孟端既擊之於詩。復圖之於卷。是爲第一圖。一時唱和萃爲竹爐清咏。王耐菴達序。所謂裁浚秋之潤。竹製煮雪之茶爐。遠追桑苧之風。近葺香山之社也。嗣是有砥齋者。繪爲第二圖。泊性海移席虎邱。竹爐爲潘氏所得。又轉而贈之楊氏。成化丙申。秦方伯夔疏乞於楊氏。既得。作聽松庵復竹茶爐記。一時好事者。又倡和成卷。明年丁酉。有吳璋者復圖之。是爲第三圖。國初有竊孟端圖。鬻置下者。爲顧舍人貞觀所得。宋牧仲撫吳。乞圖於顧氏。還之寺僧。乾隆辛未。高宗南巡。駐蹕惠山。命畫苑臣張宗蒼圖之。是爲第四圖。閱二十餘年。四圖爲邑令邱漣取入官解。不戒於火。名山鉅蹟。了無一存。高宗親灑宸翰。作第一圖。復命皇太子補第二圖。貝勒弘晆補第三圖。侍郎董誥補第四圖。又出內府所藏孟端溪山漁隱長卷。俾山僧藏之。松庵勝蹟。頓復舊觀。余錄孟端詩。並明人之先後題詠者。附錄於此。王達詩云。製作精深亦可觀。日供高士試龍團。輕分淇雨苦猶綠。細翦湘雲粉未乾。紫筍滿甌吟骨健。清風一榻鬢絲寒。吸來坐盡梅花月。正是浚秋第幾竿。韓奕詩云。綠玉葦成偃月形。偏宜煮雪向巖窟。虛心未許如灰冷。古色爭看似汗青。偶免樵柯供土銕。尙疑清瀨和陶瓶。達人曾擬同天地。上有秋蟲爲篆銘。錢仲益詩云。霜筠織就煮茶爐。便覺清風起座隅。濤洶秋聲翻雪乳。煙蒸春雨滌雲腴。餅筍尙作龍吟細。汗簡猶疑鳥跡殊。甌口不須參玉版。願分一滴洗塵污。陶振詩云。剪裁蒼雪出淇園。菌蠢龍頭製作偏。紫筍香浮陽羨雨。玉笙聲沸惠山泉。

肯藏太乙燒丹火。不落天隨釣雪船。只好巖花苔石上。煮茶供給趙州禪。郝庚老詩云。第二之泉泉上亭。道人茶具竹爐成。龜蒙散迹尙從事。鴻漸作經宜著名。火升龍氣若丹鼎。瓶合鳳聲如玉笙。西園老客動高興。急褰月團來會盟。梁用行詩云。織具時聞紫筍馨。此君爐合置禪局。心灰未死還瞻緣。劫火方然異殺青。煙引翠陰秋繞榻。水喧清韻夜翻瓶。上人好就平安日。編刻茶經當勒銘。秦夔詩云。烹茶只合伴枯禪。誤落人間五十年。華屋夢醒塵冉冉。湘江魂冷月娟娟。歸來白壁元無玷。老去青山最有緣。從此遠公須愛惜。願同衣鉢永相傳。高直詩云。竹爐還復聽松禪。老眼摩挲認往年。潤帶茶煙香細細。冷含蘿雨翠娟娟。已醒萬劫塵中夢。重結三生石上緣。五馬使君題品後。一燈相伴永流傳。

登盱眙山

縣郭高臨紫翠閒。泊舟乘興一躋攀。荆揚南望無多路。淮楚西來第一山。僧舍徑幽松影合。水祠碑在蘚痕斑。登臨不用悲今古。渡口寒潮日往還。

送陳尙賓還靖州

嗟余湖海度年華。爾復飄零更可嗟。舊業暫歸翻似客。異鄉重到卽爲家。江連雲夢孤帆遠。日落衡湘斷雁斜。後夜月明何處泊。相思回首各天涯。

登劍閣望京華作

一上高臺首重回。五雲何處是蓬萊。帆隨雁影天邊去。人共春光日下來。淮甸煙消平似掌。河流冰泮碧於苔。翠華行幸應非遠。佳氣氤氳繞上台。

峽中題詠

峽裏江山總絕奇。推篷不厭去帆遲。重來恐忘經行處。一處經行一處詩。

靜樂軒

秋聲早已到梧桐。露氣涼生滿碧空。獨倚欄杆待明月。紫簫吹散木樨風。

陳繼一首

繼字嗣初。吳人。經歷汝言子。以薦授五經博士。領弘文館事。進檢討。有怡菴集十五卷。

南濠詩話。鄉先生陳太史嗣初嘗云。作詩必情與景會。景與情合。始可與言詩矣。如芳草伴人還易老。落花隨水亦東流。此情與景合也。雨中黃葉樹。燈下白頭人。此景與情合也。

姑蘇志。繼爲人端恪。其學經史百氏。皆博考深究。文章根義理。謹體製。嚴矩矱。不肯苟率。一時稱爲作者。馮仙澁圖繪寶鑑續纂。陳嗣初以文章擅名翰林。寫竹尤奇。夏仲昭。張士謙。皆師事之。

遠歸圖

杜宇一聲春盡。楊花千里人歸。半捲東風羅幕。任教雙燕飛飛。

謝縉十四首

縉一作晉。字孔昭。吳人。自號蘭庭生。亦號深翠道人。有蘭庭集。

姑蘇志。謝晉號葵邱。工畫山水。重疊爛熳。千幅不同。尋丈之間。不日而就。亦能詩。

無聲詩史。孔昭善山水。得其管涉深意。而構體落勢。態各不同。又善詩。

田按。孔昭畫。流傳甚少。詩特蘊藉。在宋人中。似陸游一派。

題畫

逍遙西澗翁。邂逅南垞客。爲解杖頭瓢。坐飲林下石。微醉兩忘還。秋山竟云夕。

晚春用楊孟載韻

水淹榆莢半堆牆。細雨生寒潤袷裳。芳草欲迷樓外眼。暮春應斷客邊腸。風簾靜捲縈飛絮。煙篆微銷過午香。睡起不知庭院晚。陰陰高柳映斜陽。

早春過望亭驛

遠墅清煙散綠蘋。推篷起坐整烏巾。野花開處多臨驛。水鳥飛來似送人。愁裏聽窮三日雨。客邊吟到一分春。今朝已有尋芳客。來往東風陌上塵。

丹徒灣暮泊

浦溆春潮去復回。客舟風阻未能開。半篷殘雪留寒在。幾樹斜陽送晚來。望遠心隨雲影度。思家愁聽雁聲哀。京師準擬明朝到。先向江中酌一杯。

秋日江村卽事有懷沈秀才

溼上菰蒲接渚田。江村風景漸淒然。西鄰夜靜聞舂稻。南浦秋深罷采蓮。遷客暫歸仍遠別。野人多病只高眠。明朝風雨重陽節。依舊孤吟向菊邊。

題芭蕉仕女圖

新涼未敗扇。弱質自先怯。芳思無人知。金風動蕉葉。

清陰谷

幽谷夏已深。槐柳陰初合。清晝落花風。禽聲自相答。

題輞川圖

本蘭柴近辛夷隴。芳樹高高接翠陰。回首輞川裴迪老。不知誰與伴行吟。

北郭

小巷人家半掩扉。綠陰相映柳依依。莫言飛絮身無定。纔得沾泥自不飛。

溪上晚步

一樹閒雲一逕苔。板橋南去草堂開。平生未了尋幽債。不爲看山也自來。

題秋江待渡

鳴銜秋色去沙尾。人背夕陽歸渡頭。我亦有家湖水曲。便須乘興上扁舟。



春日寫懷

好懷無復似前時。一半春過尙未知。惟有白門橋下柳。見人憔悴也顰眉。

春思

東風吹雨正廉纖。春色和雲壓四檐。聽到鶯聲殘醉醒。杏花香底坐鉤簾。

題畫

楊柳人家白板扉。蘋花開處水禽飛。扁舟記得江鄉路。蟹斲魚罾對夕輝。

趙迪八首

迪字景哲。懷安人。自號白湖小隱。有鳴秋集。

國雅。趙山人景哲。興洽情真。固是逸才。如殘雨挂空江。濛濛若千里。暝色夕鳥前。寒聲暮窅裏。又飛花香度樓前幙。高柳涼生仗外峯。此例佳甚。

徐勣齋峯集。鳴秋先生。系出宋室。林尙默爲序。未嘗談及。讀其寫懷詩有云。衣冠有恨先王後。家世應從南渡來。則先生誠天水之裔。第未攷何王之後耳。再讀鄭公望輓鳴秋詩。有白湖小隱入雲間之句。則先生又隱居白湖。其子姓今未知誰是也。田按明初有二趙迪。余旣錄宜陽趙迪詩。入甲籤。景哲閩人。詩格修整。五言尤有遠韻。善畫山水。學米南宮。見閩畫記。

麟次臺集宴送馬自牧歸館

盍簪陟崇臺。憑高豁千里。清尊屬離人。年光若流水。浩浩江海心。悠悠雲山意。天空鳥影寒。日落秋聲起。

對此渺予懷。懸情自茲始。

林塘幽趣

芳林晚更佳。積水春仍綠。沈沈碧若煙。汎汎清如玉。微茫輞川莊。隱映山陰曲。幽人獨去來。涼月下修竹。禪岩夕照

空岩夕照來。寒入野僧定。歸鳥帶殘光。連雲渡羅逕。禪房揜暮山。楓林起煙磬。幽人獨去來。凭軒足清聽。題雨竹

黃陵日已昏。蕭瑟涼飈起。殘雨挂空江。溟濛若千里。暝色夕鳥前。寒聲暮猿裏。應知葉上秋。盡入湘潭水。南樓奇觀

樓居有仙客。隱約白雲中。當戶山光入。鉤簾海色通。江清螺女渡。臺占越王宮。風景今非昔。憑高思不窮。過賈誼宅

故宅荒涼倚碧岑。寒雲漠漠跡難尋。書沈湘水情何極。鵬賦長沙怨已深。空館無人嗁鳥到。閒門有逕碧苔侵。可憐前席今千載。惟有清猿自嘯吟。

白蓮花

素質盈盈粉未乾。翠鈿漠漠露光殘。湘靈環珮雲中降。洛浦風神月下看。玉管聲沈涼雨夕。羽衣香度碧

波寒。遼思入社人千載。吟對清秋獨倚欄。

題山水

江上千峯紫翠浮。松門苔徑映清流。茅堂雨絕湘簾暝。臥聽空山一夜秋。

虞謙三首

謙字伯益。金壇人。洪武中由太學生擢刑部郎。出知杭州府。永樂中召爲大理少卿。進都察院左副都御史。仁宗卽位改大理寺卿。有玉雪齋稿。

東里集。伯益以詩名於時。喜寫山川木石。幽淡簡遠。有倪雲林風致。

畫史會要。謙家多善法書名畫。公餘寫金錯刀竹。

無聲詩史。伯益畫竹石。與夏太常齊名。

過湖州苕溪驛

吳興山水窟。公館一塵無。雲氣來天目。溪流入太湖。蠶成供歲用。菱熟當秋租。樓閣煙霞外。猶堪入畫圖。

丹霞真館

華陽山裏遊三日。清氣逼人渾欲仙。偶到丹霞亭子上。抱琴和月瀉松泉。

會稽道中

茂林修竹映飛湍。十里青山馬上看。正是一年寒食候。落花吹雨不勝寒。

陳登一首

登字思孝。長樂人。仲進子。以薦爲羅田縣丞。改蘭溪。又改浮梁。永樂初。以能書居翰林。擢中書舍人。有石田吟稿四卷。

東里集。永樂甲申。詔吏部簡能書者。儲翰林。思孝以篆籀最先至。時吳中滕用亨待詔翰林。工篆籀。自視天下無愈己者。且恃春秋高。輕後進。往往折屈之。禍人廣坐中。思孝就用亨語之。戾許叔重者十數事。相辯難。用亨乃始默然不復自矜。時四明王尹實。篆書擅名海內。考據精博。亦推思孝。思孝於六書本原。精考詳究。周秦以來石刻。雖殘缺剝落。歲月氏名。無可考。審度其出某代某人。率中七八。其收蓄之富。歐陽文忠。趙明誠之後。所僅見。朝廷大篇。率出其手。

田按。祝允明書述。稱二陳壁傷矜局。登略上之。又謂程氏父子。篆隸擅名。斯業旣鮮。不得不與。考南雲篆法。原出思孝。蓋皆不甚與之也。西楊稱思孝考據精博。收蓄石刻。爲歐趙後所僅見。惜未著一書。以爲來者援據。余檢福建通志。錄閩人著述。僅及思孝石田吟稿四卷。其他無聞。是可深感耳。

送朱文岡還朔州

都門秋欲盡。雨雪已霏霏。顧我同爲客。憐君未授衣。計程還朔漠。歸思繞庭闈。別去重回首。長空一雁飛。

馬軾一首

軾字敬瞻。嘉定人。欽天監刻漏博士。

張日永吳中人物志。馬軾精繪事。與戴文進。謝廷循同擅畫名於京師。

奉餞季方先生

灤江江上水悠悠。送客江邊莫上樓。五嶺瘴高煙蔽日。兩孤雲溼雨鳴秋。豐城劍氣東南起。合浦珠光晝夜浮。祭罷鱸魚歸去晚。刺桐花外月如鉤。

劉鳳續吳錄。馬軾以刻漏博士。從征廣右。讀書負氣。工詩善畫。天順初。岳正左遷欽州。親知無敢及門。軾獨爲詩送之。其畫高古有法。遂掩其人。

詩藪。馬軾者不知名。而詩鈔載其送岳季方詩。格特高華雄俊。足爲嘉隆前驅。不可以名取也。

陸顯一首

顯字伯瞻。揚州興化人。楚府伴讀。闈弟。洪武中舉明經。授禮部主事。永樂初。與修太祖實錄。奉使朝鮮。有頤光集。

畫史會要。陸顯能畫人物。

送別

芳草如煙驛路遙。東風催別鳥聲嬌。離人一去來何日。不及春江有定潮。

金湜二首

湜字本清。鄞人。正統辛酉舉人。授中書舍人。遷太僕丞。有皇華集。

無聲詩史。金盃號朽木居士。善書法。寫竹石甚佳。其鉤勒竹尤妙。

甬上書傳集。倪味易與金太僕交最深。味易年八十。生而舉殯。擬陶公自祭。杜牧之志墓事。懸像設奠。延慶寺。爲詩自挽。羣公皆屬和。太僕別畫竹。題一詩相寄。曰。先生舉殯。吾爲寫生。其詩有言。舉世稱高士。闕天合少微。味易得之大喜。其作達如此。田按本清歸田後。與洪郎中常。盧給事瑀。嚴員外端。宗員外佑。周布衣祐。章布衣珍。宋布衣恢。張布衣懌。倪布衣光。李布衣端。鄒通判聞。王布衣政。周理問頌。余賓。周愷。陳渭等十八人。爲高年社會。倪光有懷金太僕詩云。詩社幾人在。湖山空月圓。紀其事也。社中詩不盡可傳。李杲堂所謂諸公皆解外膠。略世事。身當太平之日。從容吟唱。良足誌也。余擇其詩之雅令者。錄四人。其有句可採者。洪常宿方丈云。花外雨腥龍出鉢。松間雲煖鶴歸巢。周祐送人還滇南戍所云。楚江樹色經寒早。巫峽猿聲向晚多。李端送日本僧歸國云。已向檀林修白業。更攜瓢史歷青山。本清有遊天童寺過中峯云。滿地竹陰人迹少。四檐花氣鳥聲閒。皆瑣瑣可誦。

## 題竹

四明山下一綸巾。把筆曾爲竹寫真。莫怪老夫輕自許。湖州太守是前身。

## 題延慶寺畫竹

一竿瀟灑玉玲瓏。湘圃淇園在眼中。過客莫嫌枝葉少。纔多枝葉便多風。

甬上書傳集。太僕晚年。常過湖南延慶寺。爲畫竹一紙。懸諸寺壁。後時過之。輒題一絕。積至十首。及垂老復遊寺中。見尙有紙素一方。欣然命筆。曰。草堂南北路高低。林上相逢日又西。只爲詩多不礙竹。幾番題過又重題。後遂不復過。今此畫爲好事家所得。先輩人風。良足愛重也。

俞行之一首

行之字文輔。清江人。

水東日記。清江俞行之。永樂中有能詩盛名。其題清慎警句曰。夜門無客敢懷金。秋屋有情甘飲水。惜不多見。明書畫史。俞行之善草書及章草。俱工妙。

題顧師顏西湖詞

秋來碧水湛平湖。荷葉菱花取次枯。惟有斷隄殘柳樹。深煙猶鎖亂鳴烏。

謝庭循一首

庭循名環。以字行。永嘉人。永樂中供奉內廷。宣德中授錦衣千戶。有夢吟堂集。

東里續集。謝庭循知學問。喜賦詩。善畫。師張永起。永樂初年。召在近禁。宣宗妙繪事。供奉之臣。特重庭循。恆侍左右。畫史會要。謝庭循山水。宗荆浩。關仝。米芾。

杏園雅集

聖人贊元化。羣彥佐休治。既睹斯民康。更愜庶物遂。良辰際休沐。逍遙縱嘉致。園杏羅文錦。庭柯織空翠。君子興好懷。觥籌亂無次。仰聽金石章。俯飲不知醉。託情寄簡素。聊卽今日事。

田按杏園雅集事。詳王直詩後。

吳餘慶一首

餘慶字彥積，宜黃人。永樂中，以薦除中書舍人。

田按：餘慶，永樂中以善書臨評者，謂其楷如美女簪花。

樂靜集韋蘇州句贈謝庭循

端居無所爲，尊酒遺形迹。秋齋正蕭散，悄然羣物寂。雨餘山景寒，雲澹水容夕。高宇亦遐朗，心神自安宅。披襟始高詠，卽事翫文墨。物累誠可遣，偶遊方自得。悵然川光暝，俯砌視歸翼。

姚黻一首

黻字廷章，嘉興人，有可閒集。

橋李詩繫：姚黻能寫生，山水宗岳雪樵，工詩，與陳顥、韓永、倡相，人以可閒先生稱之。

過友陶舊宅次南野韻

蕭蕭茅屋冷溪濱，晚歲孤松雪色新。鄰笛不須哀日暮，就中多是斷魂人。

沈遇一首

遇字公濟，號臞樵，吳人。

杜瓊東原遺集：臞樵作水墨山水，師夏圭、馬遠，淺絳色法李唐，深色則全倣趙伯駒，皆能咄咄逼真。

畫史會要：沈遇山水宗馬遠。

無聲詩史：沈臞樵善畫山水，其所居雅趣室，多列圖史，衣冠古雅，有晉唐風致，與吳文定公寬爲石友，文定每得其畫，必寶藏。



之其歿也。文定有詩悼之云。秣陵春色厭驅馳。投老吳門白髮垂。燈下解衣盤礴處。山中持斧嘯歌時。一貧比壘原非病。三絕如虔不數癡。落日高堂開障子。雪峯煙樹使人悲。沈石田云。臙樵沈公。以善畫山水人物。名於宣德。正統間。嘗徵至京師。比選學者益衆。先君同齊處士寔常師之。家世所藏雪圖。乃先生得意之作。暇日弄筆有竹莊。偶得匹紙。乘興臨一過。極知唐突。弟子少常給事左右。頗知公用筆之意。故亦不敢自讓。恨先君不及見耳。

田按公濟畫流傳者少。余見王石谷畫本。每綴臙樵獲趣四字印章。其爲畫流傾慕如此。

### 秋夜宿東白啓師方丈

竹屋滿秋庭。蕭蕭涼氣早。孤燈照跣趺。高僧坐來曉。風清鶴夢醒。雲淡鍾聲杳。塵世永相忘。心空衆緣了。

### 杜瓊二首

瓊字用嘉。吳人。自號鹿冠老人。又號東原耕者。門人私謚曰淵孝先生。有東原遺集二卷。

王鑿震澤集。東原好爲詩。喜畫山水人物。故其詩於評畫尤深。

楊循吉吳中往哲記。東原詞翰。與人品俱重。善畫層巒疊嶂。師董源。

王穉登丹青志。淵孝先生。明經博學。家貧道尊。貞淡醇和。粹然爲山林之表。畫亦道麗。

畫史會要。鹿冠道人畫。沈啓南父恆吉師之。

無聲詩史。杜原畫。效南唐董北苑。元王叔明。

珊瑚網。杜東原題自畫山水云。紛紛畫債未能償。日日揮毫不下堂。郭外有山閒自在。也應憐我爲人忙。東原得朱長文樂園東偏地。結亭聚石。號曰東原。故曰郭外有山。然云日日揮毫。而所存者無幾。余僅有其玄墓看梅圖。做趙善長山水而已。

田按東原題畫詩云。山水金碧稱二李。水墨高古推王維。又云。諸公盡行輞川派。蓋謂宋元以來。作家士氣皆備者。必導源於輞川也。可謂得其宗旨。又云。友石隴樵真仙骨。落筆自然超等夷。葵邱爛漫文鼎潤。獨醉獨數寒林枝。緜州寓意最深遠。數月一頓非爲遲。考文鼎姓金。隴尙素牛。獨醉史公謹別號也。緜州。姑蘇蘇復官緜州守。皆同時畫家也。

### 題畫

陰雲翳喬松。宿露栖芳草。孤亭人不來。春風自嘯鳥。

### 柯九思竹

奎章閣下職綸思。猶有餘閒埽鳳枝。明日江南歸去後。杏花春雨筍生時。

### 沈貞吉三首

貞吉名貞。以字行。號南齋。長洲人。

吳中往哲記。沈氏二先生。曰貞吉。曰恆吉。相城故家。皆工唐律。兼善繪事。每賦一詩。營一障。必累日閱。乃出。不可以錢帛購取。故尤以少得重。家庭之間。自相唱酬。下至僕隸。悉諳文學。並年八十餘。

丹青志。沈貞吉。恆吉。二處士。並善丹青。風格明秀。壘篋相映。時謂趙文敏同流。恆吉之畫。師杜徵君瓊。

清河書畫舫。貞吉畫師畫源。可亞劉廷美。其弟恆吉。更虛和瀟灑。不在宋元諸賢下。第其遺迹絕少。故不爲世所知。

### 九月桃花圖

花發年年二三月。今年九月見芳英。一枝借得春消息。莫道東風不世情。

題畫

錦帆涇上千年寺。水殿雲廊半不存。只有老僧明月下。立當清影夜敲門。

題畫贈沈臞樵先生

春山如黛柳如煙。罨畫樓臺小洞天。容得踏雲雙短屐。碧桃花裏訪臞仙。

沈恆吉一首

恆吉名恆。以字行。號同齋。貞吉弟。

題劉完菴畫

十載天涯作宦遊。黃塵飛滿紫貂裘。歸來不歎長途險。猶寫關山萬里秋。

田按完菴此圖著錄卞氏式古堂書畫彙考及安氏墨緣彙觀。題曰清白軒圖。完菴自題云。戊辰孟夏朔日。西田上人持酒肴。過余清白軒中。相與燕樂。恍若致身埃壘之外。酒闌。上人乞詩畫爲別。遂援筆成此以歸之。先得詩者。座客薛君時用也。別有沈孟淵、馮篋、薛英及同齋四詩。乾隆中安氏書畫盡入內府。此圖與焉。

劉珏一首

珏字廷美。長洲人。正統戊午舉人。除刑部主事。遷山西按察使事。有完菴集。

寓園雜記。吾鄉劉廷美僉憲。薄於仕宦。雅愛作詩。京師稱爲劉八句。年方五十。卽乞致仕。成化初。璠臺邢公宥爲郡守。以梅華求題。廷美賦絕句云。歲寒相見在天涯。玉色珠光帶露華。笑殺元都狂道士。桃花何不種梅花。邢公得詩甚喜。後邢公以郡中

久荒陂蕩起稅民心頗怨。有以舊詩刺之曰。量盡沙邊到水邊。只留滄海與青天。漁舟若過閒洲渚。爲報沙鷗莫浪眠。邢公聞之。以爲廷美所作。大怨。或勸往白。廷美曰。彼奈我何。後廷美之卒。邢公弔祭皆不往。人多非之。此詩蓋宋人刺賈似道者。邢公不察也。

蘇材小纂。劉廷美畫山水。煙嵐草樹。緜渺幽迥。有董巨餘意。

丹青志。僉憲劉公寫山水。泉深石亂。木秀雲生。緜密幽媚。風流飄然。高者攀鱗巨老。庶乎升堂。特未入室耳。

六硯齋筆記。劉完菴以參藩致政家居。葺園寄傲。倣唐盧鴻一草堂圖。自爲繪冊十幅。曰籠鷓閣。斜月廊。四嬋娟堂。螺龜。玉局齋。噴壺。扶桑亭。衆香樓。繡缺堂。旃檀室。各系以詩。沈石田亦題長句。

清河書畫舫。彭年云。完菴先生。以文章風節名天下。其詞翰畫筆。尤爲吳中所寶。致政歸時。日與徐武功。韓襄毅。祝侗。軒。沈石田。諸老游。每集多聯句。而一生爲之圖。其胸中邱壑。已自奇絕。故見之筆底者。莫不臻妙。

田按完菴畫流傳甚少。余得一小幅。乃贈毗齋者。沈石田題云。溪山錯認漢東西。茆屋人家竹樹齊。不獨米翁能拜石。我於遺墨便頭低。畫蹟水墨淹潤。山頭似梅花道人。園亭竹樹類雲林。石田題字摹黃雙井。而秀潤可挹。不似慢作枯勁者。此畫曾著錄卞氏式古堂書畫考。

### 題贈僧西田畫

水閣焚香對遠公。萬緣都向酒邊空。清溪日暮遙相望。一片閒雲碧樹東。

